



清容居士集卷第四

古詩五言

夕佳亭

赤雲下平田層巒紫光凝
疎鐘息萬籟晴湖淨
蒼冰倦翻戢已栖游雲澹
相承吹簫者誰子空林起
孤燈感彼金谷人怪石
樛寒藤壯意耻未沒水
涌風憑陵亭玉浮圖百
幻隨廢興振衣視天末
黯澹銀河升朝曛詎異
境氣寂念始澄

贈養源編脩回嚴陵省墓

岩白雲阡翳青松居美蔭
同靈根地易世愈疎清



秋子胥濤紫紆達桐廬欲濟非無航契濶寔跂予昔聞
祖父言結綬來京都束書遠鄉國井邑匪異殊俯仰成
雲仍宰木今何如事遠遺謀存審象窺眉鬚寒暑有代
謝念昔同一初躬耕樂真隱湯仕脩素儒敦叙古所宗
和侃寧有渝

贈昌上人二首

蕭：湖上波搖蕩羣峰秋客有萬古意支筇赴龍湫龍
湫厖眉叟宴坐足未收飲以一片冰熟視了不酬長松
挂枯瓢風靜林颼颼境足念愈忘道充身益優永謝岩
下人深省聊自脩

岩巍蒼玉軒虛聲振寒林我昔行其庭見影復見心秀
嶂出古色浮雲為之陰豈不念世短所樂非所歆潛珍
閱幽匱羣弄誇姝音靖言事當爾江湖眇崎崿送子歸
山阿松風起寒琴

宿竹院次珙橫川韻二首

脩竹手所種參差過屋山微風為之來心境兩相閒清
泉在澗底白雲在松間鐘聲集趺坐樓深流月殘重游
啓深省解轡思掩關

昔游玉几峯老禪肩如山機深削陳迹天馬初服閑念
欲從之遊小築茅三間俛仰二十載黃塵鬢毛殘亭

石墻影哀猿守松關

送宋壽卿侍御迎養建康

葆真林閣下為善心自娛農圃得休息時讀古人書施
食不望報折券不顧餘時至祿自臻門有駟馬車念昔
髫鬢子遠牀衣青襦束髮事編簡操觚入皇都勁氣摩
黃鵠危言伏青蒲扈眉笑有言隣曲驚且吁維南帝王
州問俗宣典謨匪規鼎食榮菽水心晏如種德報已豐
願言廣蓄畬蘭生在堂下汲根竹扶疎

廣信陳氏擇勝樓

散髮碧潭際讀書業竹邊怡情學崇觀卜築遵自然雲

蘿左右嶂雞犬東西阡羣動各有性孰念靜者憐翳
昔賢居遺跡故老傳化為神仙宅有木昧蒼烟松風起
萬壑哀湍助鳴絃觀萬詎在遠泯嘿師韋編

潘孟陽上書不報歸里作五咏

賈生蘊竒畧徒步西上書昊天有正命傷哉杞人愚鵬
翼垂雲來魂氣與之俱鼉氏竟寂主父復何如

襄陽孟處士拂衣歸故山放浪巖壑深流咏遺人間舉
袖巖花落擊楫江鷗還羊公何隳泪水聲日潺
梅生一尉卑喋正天紀洗心洞玄化削跡棄妻子龍
變孰能馴蟬蛻乃真止松迴風冷水落石齒

虞卿舌轉九揣事精微
范事危見交態窮愁名益光
黃金散逝水白璧凝飛霜
丈夫有定志得失非預防
仲連匡世姿揮手却秦軍
掩袂停白日登車抗浮雲
射書誠草孤城生灰分
舜崇敦薄俗矯抗離其羣

題盧溝烟雨圖為吳成季作

驅馬上河梁圓暈新雨紋
矯首層闕魏翔鸞散奇氛
猗南雙松樹百里風聲聞
束髮入紫京去任心如焚
送客醕我觴我醕不得醕
願化為黃雀朝夕隨飛雲
上以奉明主中以承嚴君
往復三千年奇齡合氤氲
結袂安期子啓齒歌瓊文

滑州從事持喪三年將終養其母郡表其閭

東魯秉周禮化俗何簡媮
崎嶇小滕君冠蓋交道周
漢帝仁且明遺令誠咿嘍
駟馬不及舌坐貽千古羞
濫觴始膚寸奔流淪九州
昂古先進免胄希前脩
青松為之枯慈烏為之留
念此歲月短解紱安林丘
華楹表槐柳細石寒泉流
泯嘿區中人章甫慚沐猴

孟和卿旌表

濯纓息機事枕石聽流泉
感彼蟻慕人駢首爭遺羶
黃雲翳平壘持以防歲年
河流滔天來積浪翻中田
招携舊隣曲寒林起炊烟
冥報非我願表宅增惘然
紛游

俠徒黃金生愛憐原生處蓬戶屢空聊自全

雲中郝孝子

混沌鑿既久重華以孝稱悲哉短喪徒稻錦顏益矜詩
禮行中州衆說交沸騰挽十不得一閉閣徒凌兢芒
古雲中土屋塗層冰下有郝氏阡馴鳥為之增大圭出
至璞匪以雕績能寒泉冽古井零露溥蒼藤淳風詎云
遠相傳在雲仍

送沙君寶宰邑

舊為翰苑印史

尚印宰百里寒厓水粼粼
楚曠牛羊低山深麋鹿馴持
觴接耆老種柳迎行人陶然樂清淨絃歌足青春

次韻馬伯庸供奉書館書事二首

瑤臺麗層雲秋聲起琪樹織翠藻井波凝碧鎖窓霧雍
容列仙集晴雪炯振鷺念昔經啓初櫛沐合生聚簡冊
迄未成春秋奉神御巍冠函夏握筆慙繪句玄尊宴
明水越席敷大路崔蔡心匪迂終焉才名誤

神京奉載筆需雲歌肆筵匪謂歲月虛聖代深養賢微
踪愧三入取禾踰十千馳神竹素圃鴻蒸儼古先羣雄
寶書聚彌綸乃成編微言耿玉絜潛光媚春妍往聖去
已久八音盪敷宣元運合豹變高閣踵蟬聯夷齊乃首
傳冥思豈其然

送馬伯庸御史奉使河西

青瑣倦迂散執轡踰關河黃流何奔傾積石何嵯峨承
詔撫疲氓驚鳥在林柯沙場有凍骨塹畝無遺禾日夕
寒雲聚宿燐明巖阿訪俗感素心因之聆咏歌
詠歌者誰子被髮號天明婦死不復悲失兒誰與耕承
平五十載不識戰與爭殘雪流銀液我泪同其傾古云
百二險夸誕生甲兵孰能轉夷途歷劫永清寧
清寧闡文運覽彼古帝都秦聲激豪宕洛詠夸敷腴印
山何纍々下有白玉跌感彼秉筆人百金盡其諛死者
已寂歷茲文亦模糊偉哉龍門生悲憤有遺書

遺書紀河源荒忽不可識君行河之西春雪深五尺茫
茫賀蘭山抽矢石為鏑坐閱三姓王聖代始斂色沙羊
護氈房名駝候土驛觀風慘無儔雲端羨飛翼
飛翼西北來遺我書赫蹏中有陳情詞復憐雙雛啼塹
曠川無梁積荒氣候淒雞鳴葡萄根虎嘯首霜畦清霜
集素裘斗戴天益低頓轡不得上雪山在其西
其西何寥々云有古先生巖居時一食委形澹無營朝
日炫丹碧匪以斤斧成如何驕榮子騰拏列層城驅力
超北海逐影徙南溟誰能佐玄化泯默有遺情
遺情在相思舉酒不得起永念編簡功篤志刊綺靡傾

蓋已云舊知我寔知已送君河之湄凍柳光疑、脩途
馬飛翻少立盡瞻俟植德綏令名眠食慎道里
道里吾何能託身承明廬我冠養深拙清塵辟脩途驅
馬李陵臺望鄉問長鬚長鬚不能對吾行益次且羨君
萬里道晴霞起襜褕天山諒非遠椎牛植松榆

月巖

峻壁飛鳥絕積鐵成臺隍感彼玉兔精皎々芙蓉牀萬
古消晦冥六月生陰涼道人悟空幻跌坐鬚眉蒼觀境
不以色湛寂回真光虧成衆忘集嘉名表其常松聲起
萬籟朝陽曙扶桑

夜集西太一宮分韻得草字

晝寐白雲深聯鑣集瀛島南枝當戶生積素流羽葆孤
鐘息羣動獨鶴候清早石枰松影侵持觴俗塵掃春風
散琪樹頃刻光灑々玄談發嘉獎夙昔恣傾倒偶爾同
心期還山寄瑤草

史氏報春堂

白雲在屋角凱風生樹端下有慈竹業低昂候平安盈
盈玉雪母光若赤瑛盤朝奉鶴禁思暮承龜臺歡教兒
誦經史清言消綺紉築堂深且明朱光映庭蘭寸心諒
匪石寵辱非所干世故疾危岌奉盈身愈完願言樹明

德朝夕應加餐

送于思容助教佐濟南廉司

黃鵠不可招越雞乃司晨圓冠壁水游玉雪映陽春
篝燈玩太古垂簾辟深塵遙望淮南山下有白頭親
平生汗簡意朝昏具芳辛念之不得見顧影非我身
檄書臺上來駕輿還海濱晴風破遠浪慈鳥飛且巡
雲帆蔽吳粟濟用懷經綸為儒突理道六籍彌光新
空林閱幽蘭嚴霜養脩筠明德在謹勗雍容奉昌辰

天師留公返真空洞步虛詞十章以導游

魏、道祖居層構凌丹臺手持赤龍書八景剛風開感

彼下土人積劫何崔嵬偃伏永壽命夸誕魂益哀
愀然彌不寧招我雲孫迴白崔俯前導青童戒俱來

嵯峨金碧闕神魚伏深淵呼吸空洞炁子夜朝諸天
頃刻風雨集咫尺星斗懸長嘯千仞溪寥、生紫烟
飛符戒神魚歲久助汝仙

玄圃饒竒觀陽葩霧霏、玉壺湛清水瑤琴銷金徽
混沌合空洞絕此見象機松風代揮塵縹緲白穀衣
興移暘烏逝節弭川虹飛棊局儼未終白日何熹微
蓬萊乃故山為我一來歸真風詎永隔神光澹依、
崑崙鎮鰲極鬱儀文結璘故歲非我歲寧復論秋春
稽

首三天師彌綸返真淳精思彼嘉生雲施均萬民至誠
發自然不著亦不嗔運世有通塞六龍無停輪洞章激
微吟長樂自在身蟬蛻乃清淨跡絕虛中塵

挹秀斟醴泉蘭馥鼎初調絳旗開景光下招徹紫霄連
蜷靜夷猶感彼父老邀司命二十年守素澹不雕蜿蜒
澗周原鼎鬲戶江潮瓊章遏清咏丹輿導逍遙視之不
得見白雲在山椒

南嶽雲輪困英生紫華靈旂澹無蹤來集玉斧家玄
螭有遺跡望斗紛騰擘鞭撻隨三光服食制五霞上經
永授之火鈴苾飛車

嶽巖陽平閑古松化為人千歲永不飢食之朝帝真中
有一寸玉寒光敵金銀上結三元炁下援七祖神舉世
尊禮之靜念通至仁

留城平蕪連雲深樹沈寥磅礴經濟心永劫常不雕河
車孕長命方瞳生本條瑩如珊瑚枝粲若翡翠翹諸天
咸唱恭贊我玉晨朝人間倘再至玄化助神堯

仙巖鬱寥々石倉貯餘糧云有狡獪子用物能陸梁山
花聳寶髻雲蘿曳青裳永念斷真妄帝令深且長境化
道炁增變滅始真常參差應虛牝羣峯屹相望月落杳
然去泉鳴玉琮琤

朱棗何纂、碧桃何團、感賞千古心生世常苦煎玄
翁敞瑤館金母和紫鉛三咽生羽翰空飛集諸天真炁
常流灌眇、復綿、桑田海波滿彈指三千年

大名劉節婦吟

孤鶴不累巢離鸞不飲溪、明難為影巢成誰與栖飄
飄無根雲流麗如虹蜺下有貞松臺白日晝且凄我思
徹霄漢冥邈不可梯青、東園柳子規當樹啼來者何
用歡去者日以迷擊石端出火擣辛能作齏妾心倘未
明請看井中泥

育王瑛禪師示寂二紀嶼上人回山中因寄增

主

石塔累荒土月落水稜、永懷跏趺叟松風吹不磨磨
山房舊淨供素壁一枝藤語寂絕禪觀機深超祖乘擊
石迸新火諸天化為燈上有白王峯丹梯杳難登黃流
鉅堊漲虎嘯懸厓崩斯道倘未泯微言足搜徵

胡止水家三衢自言文定裔孫來京師三年念
母以歸前述家學二篇以相勉復成一篇以遲
其來

武夷春秋功憤激渡江主寶書恣殺訛竹簡錯編組素
王魯諸臣舊史足徵取是非紀其真曲直粲可睹紛、

燕說徒誣蠖增巧妬日月例愈深
災異說彌盡或言九世讎
晚歲進吳楚羣公骨已朽
聖筆孰與語坐曹徒深
文曲學日旁午苦心抱遺經
願言復師古

泰元積磅礴日月佐經緯
煌煌往聖學鈞考合表裏
大道伴玄功不偏亦不破
至靜貫幽顯萬變集蜂蠅
漢儒闡其端逐物失聽視
旁行分戶牖蔓說糝淫
謂緬維五峯翁正色直如矢
謝彼憧憧徒感物志愈肆
室虛生至和鼎渥宴瓊味
歸求真吾師勗哉蹈前軌

神京鬱嵯峨冠佩清且揚
秘丘積縑帙瑣窓爛琳琅
有客願從游永言觀國光
或云是鈞天九閔嚴且防
朝望

羣馬入往來間成行
彩鳳鳴聲悲裂臆
思絕吭知子親見之
素心益徊徨希名養
簡嘿勿為衆所傷
還家拜慈母祝以永壽
康春風戒重來歸鴈同
翱翔

贈餘姚岑易直登第歸里二首

束帶登玉署鵠袍立
參差筆海春波融
沈鬱流竒思俳諧
詎素願阿世非吾師
寥々天人際載牘陳
雍熙媿青珠正說擬
玄騁荒辭劍鼎有至
味酸醎異其宜有客
奉瑚璉願言播聲詩
初歌玄鶴舞載歌鳳
來儀

東浙山水國冠帶連
畦畛清門徭役空
華屋詩書泯晴江
脩竹宅燈火敦孝
謹下幃論唐虞浮
榮陋朝槿擔簦

京國游射策疾飛隼精思坐待旦古巷絕游軫蒼松蔭
婆娑丹芝凝蠹菌乘時足變化樹立在脩敏

善之簽事兄南歸述懷百韻

並轡承明廬荏苒十七禩陽林集總翠與室麗文綺寶
函龍鳳章玉佩鴟鵂峙泰帝興鴻文奎壁憲天紀楸楠
購羣才弓帛徵四起番々古遺直正色論道理深幾虎
生風神契魚在水三光密轆轤一札見萬里雍容丹地
近經緯審國是霜賚黃柑冰盤錫朱李蒲萄與法酒承
燕時漱齒俯陳天人際齟舌衆披靡始言官高卑予奪
慎其軌終言瓊林資海宇極鞭箠愴情曲如鈞讜論直

如矢或以首鼠窺或以妖狐伺奏終慶雲開再拜玉色
喜天青回海鴈萬柳色疑々屬車度居庸整隊行過蟻
老臣汝居守清霜慎顯俟秋風龍虎臺帳殿紅旂旒前
驅列鷺鶴後御肅犀兕分行獻瓜果傳醴復長跪念昔
詞臣功咫尺寫天旨大令追風雷小言婉蘭芷約制如
竟寧渾噩回正始告廷趣揚休建社追賜璽搗文具明
訓援筆謝填委飛濤捲天吳歷塊超駉駉咿嚶恩澤侯
過手直三褫園丘導景化秘祝陋五疇漢皇禮鄒枚食
粟倡優比遺恨存至今文俳等方枝緬思周廷彥勢若
鹿角犄懷忠牖納約凝命鼎出否追琢羅寶尊刻鏤羞

王簋朽索馭匪輕深淵涉無涖煌煌金匱書世守司馬
氏春秋尊為經不復繼魯史朝光鳩鵲明千花爛朱蓋
松風轉回廊蒼玉振徒倚龍荒啓神武九域極芟薙羣
公儼侍御挾矢佩象弭臨河誓剖符披圖開賜履永言
早退全固以強力恃獻功上王所百一存寶度龜跌負
穿石浮語極褒侈墨兵勦衆妄筆獄破積毀載筆非無
能終歲不滿紙坐曹心靡寧愒日頽有泚清談襟豁語
陟覺兩曜駛自取木鴈中俛首供諾唯交章日輪困涉
署絕臧否或云以彙升拾級上堂祀或云選清望後至
宴奇士迎塵馬交趨候門足爭累冥鴻天機深却立賦

三已總角勇志道竒服曳芳蒞澄觀竹素園讐勘徹昏
畧儒宗丈人行聞歎輒倒屣深湛皇王學揮手謝青紫
辭卑相如賦操擬靖節誅淒涼五公齋澳忍羞筮仕孤
音歎寡和漱石轉商徵浮雲蒼狗來曳勉渡江記湯
黃河道桑棗日淪圯耕童戲殘鏃一古戰壘霜業射
新兔春蒲貫王鮪荒州靜無事拍手歌于為楷灘鐵槎
牙積溜王逸邈太史非好游所歷廣聽視振衣入閭闔
姻契論不鄙相期在霄漢薄祿慎礪砥趨朝曉同班退
宿昏共止填膺雙髯張快意並手抵談經陋葦茲證字
窮亥承斷絃搜麟膠滅跡問獺髓愛兄靜以紮振鷺立

水沚霧深沐玄豹日炯粲文雉鏞鐘倡鴻聲衆樂奏立
伎向來論交意瞑目謝諸子出處今不同評議寔相侶
維吳稻蟹區民俗以瘡痛貧樵蒲稗齊富廩丘嶽峙傾
金恣聯絡所至各閉市令儀養叨憤軟語乞詐詭部解
都中夷景氏閑內徒坐令襪襖徒終歲力耒耜興文植
清邵省罰厲廉耻重華政垂衣化俾風俗美行度東
魯莖水足荷芟微吟數魚網薄睡倚烏几漁歌起微茫
逸興舟戒樣人言居移深嘉橘化成枳不見千金泉一
軟夷齊擬離羣增幽憂溽暑積憇懣登坡帽低昂跋馬
益遠企管鮑非利交金石誓生歿著鞭訝先之稅駕亦

逝矣共享黃髮年斯文永綏祉

題張中丞東亭圖

舊墅習真隱新亭幽且妍芳菲家林春引甍增推遷今
德資先猷嵯峨白雲阡總角精典籍承顏綺襦鮮寒泉
感逝波高木矯蒼烟欲論林間趣深掃區中綠招携舊
鄰保舉觴問華顛鷄鳴柳陰直魚跳水紋圓開田穀盈
困種果花滿川荏苒白玉京念至心惘然傳忠匪懷祿
立身盡貞堅披圖耿素志功成賦歸田

曲陽李孝子

寒雲生秀嶺朔風盪脩林烏兔日以馳幽翳增嶽嶽朝

看壘頭柏零露珠淫、有饌不能舉有酒不能斟絳
月下衣漸瀝壁上琴登堂痛躑躅審象陳輿盛重華古
孝帝五十猶素心坐令比屋封表里存遺音立名在樹
德威、非所欽嗟哉曲陽生束書振華簪

送趙虛一道士降香南海諸名山

往逆虞伯生
降香成都

振策峨眉巔身輕暫飛鳥懸崖飲崩流側石穿暗篠高
騫蕩心目每恨所歷少捧香南溟使絕足騰騷裏龍淵
明玕秀恍惚百靈皦乘鸞訊八公挂席招五老巖光候
陰晴水氣變昏曉神君層巒倚商祭通香眇念昔結空
寂屋戶絕登眺希波巢居子寢作止林杪鐘鳴驛吏動

危坐萬籟愀餘齡水赴壑歷塊跡電掃韜精習澄觀俯
矚八絃小

屏山堂

賈星化飛魄脩織屹青冥何人媚幽獨喻物傳真形想
此宴坐時恭前平且寧朝霞紅冉冉暮雲白亭亭中立
羞卷舒廓褻慎儀刑君子法至靜處身視行庭古聖儼
未忘鵲豆爰有銘茲峯合混沌胡然命為屏天空月當
戶陰風走山靈

題輞川捕魚圖

洛口疾如箭駢頭頰尾鱗散網巖隈泊千漚水花勻輞

川蓮社侶百味不入唇時危涉飄蕩急管悲青春不如
漁師樂風水候昏所連檣坐翁媪茗糜接婚姻永謝朝
市客炎涼生喜嗔

子昂墨竹

高風法清聖直筆師素王湛々玄雲姿靈籟生幽房解
珮白玉京誓將泛滄浪所懷歲寒友臨分贈琳琅

可竹軒

種竹水邊宅岸幘晞餘清湛々玄霧姿匪以介自名條
達辭黑墳英光表朱明竅歷巖下泉旋轉空中笙神交
習真靜恬養忘虧成南國倦溽暑鬱陶起深情展席卧

其下仰見踈星行始悟晉諸賢嗜此誠遺榮我家十畝
園新籜流珠纓邈然送歸棹矯首蒼烟橫

子昂雙木竹石圖

朔雲盪空輪羣芳益搖落老木兢且巖化此雙鹿角粲
彼江南枝歲晚彌卓犖或言石五采服之混沌鑿威鳳
招不來虛聲起阿閣

以劉士先子墨贈薛玄卿

虛堂集萬竈高下旭流螢寒膏玉虫綴幽光耿晶熒巡
行蟻旋磨龜手日不停範圍金屑精膠轄桂杵靈劉氏
祖子孫妙訣通玄冥沉々緝熙殿函封英露零龍牋掣

鯨海黯淡松花馨往事歸逝水殘壁傳千齡雲館道氣
寡守黑深儀刑散髮結瓊章研摩固幽局持此以遠慰
點翰補黃庭

飲酒禠詩十二首

春至舊疾作晝眠聽禽聲總角耽六籍萬化何縱橫觀
象太極初始悟無虧成環中秘靈根羣動一以貞吾欲
乘彩鳳截篁以為笙上窮崑崙渾下探渤澥清
夜黑雪初白高卧益自怡起看庭前柳冉々青春姿長
松在西山鬚髮流銀澌豈不念歲苦老壯當固持事至
勿獨戚時來詎人為得酒且深醉淵明果吾師

京師二十載酒中有深歡大雨即閉戶朔風常解鞍客
至輒笑之是豈宜居官振容筮神著鴻飛漸于磐百歲
苦世短萬鍾非我干所以東方生吏隱神益完

陽鳥乘南雲飄々振竒翮迫此梁稻謀居移遂成客愧
我食京塵誓墓志未獲雙峯十大松下有千載魄當年
侍蓬瀛香芸森寶冊高齋集遺編朱墨猶手澤戰兢愧
匪承永念在行役

少欲觀滄海下取珊瑚枝穹龜負玄文靈鱗揚朱鬚盪
舟不能往寶氣時紛披有客方壺來授簡雲差々一以
泰太極九以師庖犧振衣海神泣舉觴山鬼移

少觀五嶽形五性各有殊神州養深知百靈受馳驅申
申安樂翁定洛為中居契孫乃九遷舜詎平陽都神京
屹金臺五雲玉芙蓉始知天經旋積氣為堪輿
家鄰天台山云有二子巖巍哉太古石織脩轟雲光上
棲西竺僧雪色垂鬚髯二子與之游作詩清且嚴乳花
散瓷甌瀑布飛銀簾醉醒夢見之謂我何留淹
南簷孤生竹歲暮柯葉蒼豈不念道里因之摧雪霜夷
齊盧龍居胡為乃名揚入水蛤有文踰淮枳弥芳受性
諒匪移臨風酌吾觴
弱冠不飲酒篝燈橫玉繩或云酒中趣湛々浮雲蒸棄

書試其言杲若烏輪升天根轉晴雷堅城為之崩妙言
粲瓊屑逸興追飛鷹醉鄉尚可居無功乃真朋
醉中發莊語爛如錦中花急々抱蘆鴈肅々投林鴉欲
別意深省瞑目不復譁媿彼獨醒人揣摩生咄嗟下馬
暮入門雙目含飛沙醉者忽復悟振衣正烏紗
江梅生空林歲晏美無度挈身踰朔易塊獨此空處擅
房望朝陽耿々不得語雕籠粲珠禽悵望秦鄉樹爰居
東門止盛饗非素茹臨風嗅其英雅志懷故土
嵯峨白雲阡種松在山腰散之不盈掬離々如麥苗迎
陽漱靈津參差拂雲霄露重碧天淨玄鶴時來巢俛仰

二十年髮齒日以雕寄聲謝玄鶴相期躡岩峩

劉氏義門

芸閣寶書輯靖言由外孫感彼南山豆淒其北堂萱昂
昂壽母懿槐柳植高門潛夫豈無論莫述寒泉思時康
廣女史願以銀管存

述郭楚望步月秋雨琴調二首

明月當清空流光滿西墀振衣獨徐行耿耿長相隨我
心如明月萬古無成虧偶迹區中名遂為塵所欺抱影
長夜吟別宦同離思行矣歸故山探玄結幽期幽期永
勿緩長嘯彈朱絲

歌枕絕幽夢卧聽秋雨鳴寒葉不自持撼金石聲清
商肅萬物此聲何不乎寤歎生遐心夙昔羞近名千金
隴頭客荏苒朱顏驚此夕秋思深斷續難為情載歌招
隱辭臨風寫餘情

送吳博文歸天台

中年困菽水絕足萬里道舊家天台山清夢常草草秋
雲起晴姿思迹冥鴻矯三年鄞江上微祿紆素抱緬懷
揚雄宅古徑襟幽葆童年手種竹翠羽插雲表還家恍
南山訊俗憑舊老清名天所閱投冠詎終保鳴鞭踐脩
途置用寔國寶英才剪春葩醇語酌清醪解榻定有人

矣行趨微召青蘿冒寒猿深啼怨清曉

送人之官遼東

昂昂泰湖漿直上遼海東層波起青兕出日搖蒼龍中
有仙人島弁服雙碧瞳手披古墜簡返真極彌縫季世
日以漓神功貫鴻濛維聖居九夷駕言挹淳風衆情習
近慕飛塵哆青紅觀瀾悟玄化白雲澹無蹤遠游豈不
樂感悵非終窮

得一齋

清齋不知歲尸坐觀芸芸神珠護靈淵歷落光景分先
時謹橐籥執機合網緼淳音出虛北百靈蟾無聞九關

肅夜令星斗森玄雲永玩泰始體握之密成文緬言延
年士服食為竒勲寶氣倏消蕩累之竟丘墳念此意愈
冷幽居匪離羣

次韻蔣遠靜二首

陽靈貫竒璞棄捐荆山傍悲哉三則翁炎空泣飛霜此
寶不復試襲緹乃深藏百神靜護之石老日月荒哉
五彩雲散為白虹光追琢在所用持以登明堂
猗桐生玄林繁陰閱道傍永斷雲和器十指凝冰霜玄
鶴何方來鍛翮感摧藏合為清商曲行雲渺荒素心
諒平和鑒彼明月光置彈集吾聽遺音在高堂

次韵鄭景尹二首

弱歲拾琪葉，取金石音遂為閑。河遊衆嗜非所欽，曳裾入承明。寶策紛珉琳，秉筆直塗竈。嗒然養書林，維南有佳樹。寸雲出遙岑，遲之不肯來。辭以道里深，跂予匪朝夕。盟言在茲今，層臺望秋林。華樹在其顛，上有青樛枝。為我玄鶴延，良時豈不感。盤雲復迴旋，瓊英失零露。百卉爭忿恚，願言保遺直。勿使衆蔓纏。一歌以慨慷，再歌朱絲絃。

再次韵

潜魚護嘉鱗，離鳳含淳音。束髮勇聞道，執御羣公欽。痛

哭悼賈生敏，給甲陳琳荏。苒歲月遷，厠身羣玉林。飛塵化玄髮，所歷多崟岑。精衛有猛志，不畏鉅海深。遺聞理墜簡，修名匪垂今。

古有惜陰子，觀日扶桑顛。雞鳴起中夜，紅光朗流延。吾欲挽其馭，與天同左旋。志士不並世，寸心增結悃。神澄水鏡淨，世閱微纒纏。鄙語襍謬悞，奉身直如絃。

觀圖書次韵景尹

少遊竹素圃，學道希心傳。祖德允遐聞，履冰凜求全。素衣入京洛，飛塵浩難湔。車書煥皇度，末技期雕鐫。稽古在簡要，敢侈三萬言。煌煌羣玉府，遺跡森炳然。滄波蓬

壺島古石仇池天方諸變毛穎寒暑隨推遷感彼傳翫
數寸心獨悲悄淒其衣冠聚拱木思昔賢籬金白雲化
青箱游蠹旋寥々鈞天夢髣像追四懸尤物詎足貴尚
德庶永延爰君閱神珠出水復媚淵六籍儼遺訓精思
貴誠度一撫玄鶴操以賡雲和絃

次韻廬山黃伯玉東漢名士十詠

食旰不知味詎為口腹人紛紛五經學講道踰八珍古
來植名士殺身以成仁念此七箸微少忍非傷貧高誼
動白日正色凌三軍仲牀固義士并生乃天民
漢季日頽靡莽々蕭艾叢孺子南州彥獨立風雨中兩

為故人弔斯道萬物宗湛兮如止水脫焉如捕風儉德
良辟難栖々何為容耕稼詠典籍食志非無功

牀度長閭巷奉高獨先知盛德眇莫名鬱為時所師朗
陵一邂逅此豈髣亂兒幽篁抱靜節游龍隱深陂至今
百世下清風散肝脾仕止適天運不喜亦不違薄遊河
南道還家復牛衣

力田南山下久早不學恭每於風雨時執禮夷踞中甑
墮乃失聲此意人所同厲行名益彰無懷道之宗郭公
果善相千載我欲從

伯鸞事沉冥作勞賴仁妻身隱不願文更治山中棲浩

歌五噫詠麥秀何淒：遐征詎游觀鳳鳥不復來羸博
慕季子居夷法宣尼幼無違俗韵與世非寡諧至今青
青冢猶有烏啣泥

古有迹名士洗耳東海東韜精事肥遯浮雲藐王公被
髮或佯狂垢形滅其蹤季世事標榜紛：競罹凶所以
康伯徒邈焉不知終

幼安家北海流從來東冥一帽常挂頭破席屨見絰六
籍躬探微衆說紛聚螢老非諸侯客肯至王公庭華生
竟天折管子終康寧

龐公老江漢性本愛居山采藥山北涯歸鷗送之還青

林酒一卮白日茅三間時許眼中士非鵠亦非鸞性不
耐束帶矧肯貪王官似憐牀下子崎嶇邠金寒靜性閱
變化道克身愈安乘風學輕舉寒蘿杳誰攀

中即天外鳳北海人中龍鳳以五彩萎龍以有悔終失
身匪素志尚言乃真窮舉世習玄嘿脂韋爭長雄之人
佩瓊瑤肆言刺羣公落日掇真禍悲來事容：蘇公起
深悵蠻江盪舟中

荀陳兩家子龍鼎合雞彝昔嘗窺其圖一：無吝疵空
巖古桂樹崔嵬匪今茲想當下車時羣雛古威儀行酒
拜滿戶入門揖當碑惜哉或與羣巨構頽其基

我家司徒公清德炳漢朝盈々丙丁綬燁々左右貂謂
此非世美脫去孰敢招崇木固同根其末千萬條勁節
或峭正孤吟或清寥世遠人事疎耳冷心志消瞻企法
天運盛衰感江湖束髮六籍功矢言期久要詩來振遺
響縹緲孤鳳簫前脩果未沫百世詎云遙

觀真文忠公畫像

羣賢輔絕學嵯峨武夷峯熒々方瞳光汲々汗簡中緬
懷文明初蒼珮極匪躬執筆侍玉署妙語工弥縫飛塵
變蒼狗潛淵閱游龍空餘經濟心勞徠飢飛鴻濁水投
神膠揚清乃竒功喬松不並世寒飈轉秋蓬生世我已

後正緒道顛蒙惕然拜公像斯道非終窮

魯大父樞密越公嘉定辛未與先生同官奉常寶
慶初同為侍從先生被黜先公亦以論邊事去國
獲拜遺像併識于后朝曾大父越公獲隨班著暨端
王忠簡公嘉定入朝曾大父越公獲隨班著暨端
明公嘉熙間以西山先生門人敬公歷節先公則
已指館榭向游學不絕口今復見其孫申伯于蘄
道家世遺事纒為不絕口今復見其孫申伯于蘄
喬木摧落榭深為此懼瞻仰西山先生遺像曰叙
事契併以自勵亦以勉夫申伯

陶道士心遠齋

少秉丘壑志養真事深寧清晨脫章甫習道誦丹經熒
煌金碧居明霞敞殊庭迥形托崇觀漠然守心扁矯首
西南雲飛蓋垂流鈴八表散清雨歸林何亭亭々緬懷靖

節翁舉觴日沈冥之人靜且修奇服養遐齡長松舊云
植秀色日以青素心靡違只矢言寄山靈

寄題郭靖州網齋

靈曜動橐籥萬物俱光晶湛然齋居子韜精獨沈冥飛
梭織翠霧層冰瑩踈星製為蟬翼衣無華靜儀刑愷兮
神君來不咲亦不頽一以却氛垢一以永千齡我欲從
之遊車音振冷々

清容居士集卷第四

清容居士集卷第五

古詩五言

為贛州連教授賦梅城

稜々太古根縈帶鐵不如飛塵望其藩却走奔無餘中
有冰玉人指揮萬瓊琚低昂受其職補理成扶胥天空
斗搖寒令嚴察孤虛練袍立清夜鮮明映犀渠積雪誰
為驕慷慨紛糝糊陰陽本一氣開門使之俱險絕貴有
道面壁非吾徒司晨起視旦蝶夢方蘧々

泊貫州次韵仲章

沙塵暗河津遊雲蕩無餘忽々萬里念眇々孤鴻俱風

水淹行頓異縣非故居雞鳴逐前邁殘星澹遺珠空林
整氣肅古樹慘不舒飢禽何其悲驚飛挾鳴雛迺知俛
啄意愧我將焉如道遠怯驚隘終憶山中廬誓言息機
事解纓慎馳驅初夏鬱新濤永日誰為娛回之馮初志
臨風復躊躇

次韻呂學正古意二首

初筵秩嘉賓容氣清且明至饗不在酒尊壘粲東榮傷
哉崇飲徒偏宕四坐驚中有獨醒士覲然愧非輕持觴
懼濡口孤吹幽凰鳴永飢詎遺禮俎實期克庭
苦心嗜昌陽古澗香莫識之人遠持贈藉以五色石密

節懷黜章寒暑端莫易三咽迴中腸起止良得力舉世
希妍英株蘭正紛職慎勿強嗜之麩泉澡其德

次韻元復初春思三首

凍樹迴青陽羈禽競新哢喧人語浮稍春事動澄
心絕芳華小睡足幽夢覺天宇新朝光集飛棟
遊塵逐平臯秀色翳榛莽油雲互東西鬱抑不能兩昭
蘇在立功竟夕復延佇何當抉其顛振翮窮委羽
遠客芳草思湛天外舟坐令親知踈佞徊此淹留古
樹擢竒石清流匯芳洲素心諒有在胡不為茲遊

雨後聞鶯

衆卉沐新雨幽光澹餘情岸幘碧窓冷卷簾白雲生起
坐調素絃促軫流鶯鳴侶言田家苦招我田中行昨宵
殷其雷願言興滿盈

送李德隆經歷其父居澧陽因乞郡江陵以便
省養

悠々澧陽川飛鴻去無極白雲眇何方抑鬱萬里色念
之不得從向臂誰為翼翩然領南郡解此終歲憶楚宮
昔壯麗冠珮列瑤席瓊英輯佳思落筆洒金碧淒其千
載下正氣堅鐵石想此問俗餘酹酒追寐歷平生功名
意甘旨惕朝夕懷章遂其初居夷亦云適藝蘭襲孤芳

種橘企嘉植永言區中塵過隙殊未息

節婦吟為蒙氏作

幽蘭淨如洗晝靄桑麻墟天低泣清露因依護紛敷春
風遠相負迺在萬里餘明月流素光願鑒夫君裾荷戈
力役行誓將保無渝難以一日懼永失千載娛

蕩々明河側雙星隨斗移會合靡有覩恍惚生恠竒古
意不復識今情益多疑契濶三十春百年以為期白首
一邂逅孤芳秉華滋感此初意深臨風託長辭

次韻范德機海鵠篇

黃鵠海上來逍遙游帝所窺々九萬里五采紛異覩朝

霏西山霞暮結平地土喧啾舞晴翠鵠首不復頰孤鳴
者何禽振翮亦遐舉憶芳邂逅之落月耿清侶芝糧產
層巔蘭珮在遠浦八表同其光欲言泪如雨臨分致黃
鵠出處各有許方壺渺麟洲輪囷為君佇

送任懷可

跼々水上鳶游々釜中魚鳶飛不得息魚吻何時蘇興
言夙行邁晴秋振脩途挈衣海上州出日揺珊瑚采瓊
以為糧拾羽以為裾妙顏感芳蕤流光耀陽鳥盛意勿
復沮清氣靜無餘維南有英雲矯首出門初圍々御飛
蓋隨君為躊躇勗哉植明德含章俟昭圖

同復初功遠飲仲章家觀芍藥分韻得一字

深沉碧雲居錯落紫瓊室芳菲護餘春清和表昭質高
業吐驛剛新茁角繭粟傾心愛膏露正色浴初日含香
紫宸朝奏舞彤廷佾駢頭澹無妬背面意愈密杯翻王
母下斗碎壯士失霏々玉生烟漾々珠吐液絕容第無
雙薄醉飲真一嫣然屬幽賞為尔寫清逸

洛詠五首示洛人張孟功任大正

晴雲起嵩嶽變化如游龍感彼金谷人聚散同飛蓬紫
紆古纏澗百井爭汲春昔有陳思王作賦雕層空相望
不得語遺情寄冥鴻金隄手所植荒淫意無縱

三川鼎沈淪洛水以土勝如何羣英聚千載甲兵競仙
人王子喬吹笙白雲頂下視北邙塚今為狐兔穿斷碑
化灰劫來者日以盛箕山水冷々側聽發深省
森々古名園玩芳納々覽澹然觀物翁欣至情不減看
花烏帽落秀色起晴臉一々卿相居舉觴雲氣湛尸坐
寒暑遺妙言天北範一去三百年寒松白雲黯
昔有好竒士絕頂觀海浪神泣肝胆翻興逸天地放泥
金與玉檢縱筆記其茲妄山久寂寞着屐事幽訪太少
何岩羌兩曜隨下上彩鸞凌風翔疑有帝子降
經郭闡微言理窟洞玄化汲々嵩山叟反復窮代謝白

壁匪有瑕後賢極譏射麟經書薨卒外臣不以假如何
莽大夫簡牘得矜詫往聖既莫泛掩袂效喑啞

贈汪生

投簪事却掃衡門無襍賓衝檐鳥雀噪魁梧見斯人遺
我以琲珠神光絢嶙峋風雅久不作雄辯逞斷々愛君
春雲姿回旋轉空輪飛英不受米積潤凝青蘋老我意
苦短念此情弥親疇昔侍金鑿挽士志英申薦禰固百
一視君鮮儔倫先聖六籍功願言善弥綸辱贈莫能報
清風響蒼筠

感興

明月不受采澄波偶成文壤之玄黃中至理孰與分南
山有琪樹蒙彼山上雲層陰閱朱光積潤養奇芬深林
葆真素芳妍澹無聞昨來京國遊緇塵日芸之永念立
堅趣攬衣意如焚

題王眉叟溪月圖

水清不受觸月高不受浴空景兩相忘松風進虛谷之
人閱真靜引手還在目服之飛上天溪流淨如玉

書孝子卷

道旁拾枯松汲水作糜粥堂前八十母啜粥端勝向人
言五鼎養形渥乃有辱擊鮮豈無具彼網不敢觸乃翁

三尺墳慈烏為之築亭之忘憂花甘露手可掬花開醉
春風百歲初轉轂之士歡有餘之人何不足

夜泊城北有懷孫秦二學士

英、二學士黼黻元祐初功名軋奸黨翰墨尊寰區維
昔淮南邦風流藹清都至今舊文采老蚌遺神珠百年
俎豆廢荒城屹秋蕪黑首搃論武故老時言儒白雲去
已久來往今何如蒼、灌木陰曾聞駐瓊裾艱難視天
運俛首猶唐虞稻米竭秋歛菱芡餘歲儲白鷗眇天末
蘆葦寒蕭疎懷賢願有在佇立情躊躇

淮口阻雨二首

曉雨壓風力我帆同款段帖：蓬底眠晝日慘易短獨
行既無儔欲去不得返冥濛水雲重寐歷榆柳斷淮流
既東馳我行安可緩縈迂汭三义始覺人語亂艱難意
如斯寒鴉佇江岸

小雨不作潮餘情在春樹冥鴻歸興深振翼美無度淒
涼舊如此荏苒已增嫵茫：昔荆榛桑柘青幾許淮水
去不休歲閱今與古風雲合浩蕩我輩勞步武人言上
水地沙流半焦土行役倘自然春雲起飛靈

詠史四首

青：虞美人欲舞不解前漫：劉寄奴醫國真茫然風

迴下相里寒沙起蒼烟徘徊古彭城亦復多流泉二者
骨已朽胡為事春妍人生要垂芳豈託小草傳丈夫與
女子藉：同悲憐

寰宇設天險圖書已周知鴻溝定疆理屈意陳卑辭永
觀沛公豪豈無懷土思羣雄亦卿黨輕家乃相隨時未
各忍性不復兒女悲它年過沛宮父老垂涕洟井邑圖
新豐雞犬猶前時論功食湯沐故里俱無遺成敗論昔
人興懷重嗟咨

留侯晚辟穀端有避禍意遠招商山叟不復為漢計平
生老鋒鏑帷幄乃真智南宮論非諛意冷終有忌雍容

視國本孱子匪神器此坐端可惜欲言且深慮代王豈
不佳語出禍立至羽翼泛汝成繒繳幸我避百年願已
足投老空立異不見吹簫民功成終械繫

人言漢淮陰晚歲何卑取英賢多混跡豈復論思讎泊
舟楚山川緬懷意悠々責人斯無難此意猶前修近世
輕薄兇流落曾相投飢來或乞食寒至將索裘一朝青
雲上泯默懷深羞高視絕舊好削跡同避仇當年睚眦
意談笑能相酬韓生固瑣々終勝青雲流斯人我非慕
微言傲羣媮

次韵仲章初夏即事

吏隱習踈曠晨起遺世情積柳含綠潤幽葵表朱明誰
云地氣高炎暑從茲生新潦變歆溽飛塵增墳盈養疴
尋丈內跬步不復行雲浮晚色盡平湖起秋聲炎涼在
頃刻變化何縱橫繕性合天和愧彼塵網嬰有懷金石
交飛盖何由傾

城南亭

平生泉石意勝處時相閑似聞城南亭層陰絕塵闌初
夏結清讌尊竿連珮環涼襟納虛白妙顏尊渥丹高歌
互激越白日虛且閒志遠不願足後會期躋攀晴霞澹
天末迴首疑仙寰

讀范德機東坊橐

范子東坊居深巷蔽樛木架上—帙書墻東數叢菊明月照西山清夜勤盥沐學為孤鳳吟非絲亦非竹陰陽合萬籟逸響振林谷水花不受唾天衣那有觸玉署青裳枝三嗅羞獨宿滄洲有真趣從此謝榮辱

武當張道士京師禱雨回山中

古有巖居子抱朴尸玄冥被髮空洞遊蒼莽窮帝青手持九、文蜿蜒合揚靈維斗司其紐習坎鞭流霆良疇已懷新燥露滋明星滌、原莖齟迴風轉塵腥無諱夜下令瞬息不得停茲人秘元化長跪耳嘿聆崑崙挾潢

漢紫霧噓青萍玄鶴滄以淒百谷奔零、浮侈不足慕趨使歸巖扃天地古橐籥鍊一清且度詭幻歲已暮願言養脩齡

觀梅分韻得影字

月窟迴初陽瑰室習真靜深居碧雲合澄觀白日永南枝歷烟霧北堂辭嶠嶺蟠柯翠交加踈萼玉秀整三襲襍纖繒一漱芙蓉井洛鵠採其光寒蜂妬其影將養憂過分泯默蒺深省天空流蟾墮露冷玄鶴警歌罷誰與言觴至不復逞

送陳仲明歸番易

浩蕩南容心崢嶸西山雲憶昔登王畿縑緗集同文執
簡玉署側藻思抽竒芬明世合儒彥詎有楚越分群姝
嫉蛾眉念至肝膽焚番江匪新田甘雨催初耘不念別
者苦孤翮誰為羣重柳積翠霧酒盡不得醺扁舟鼓新
棹晴川淨芸：

送薛玄卿歸吳子時有上京之行

飄：江海遊渺：閩河役燕鴻有相避客子無定跡南
山火雲高北山雪新白想此六月時相顧各動色堠傍
青松樹上有雙鵠翼愛君慎舟楫戒我專寢食擾：行
路難風花亂如棘

有感

皎：白面生長缺學短長箕坐激楚聲大言響高堂有
客將止之反脣臂欲攘客退不敢言彼怒庸何傷盈：
百花露擬作終歲糧露晞百花墮掩袂翻徬徨

董道士雷泉齋

淵：養空洞摩盪升天行翻車震崑崙旋空紫金明下
有五采雲散絲墮珠英以彼一寸光八表須臾成逆順
有正性變合無流形火以明益枯水以堅始凝無為合
冲澹神化凌上清

三月十二日自

殿廬歸舍梨花盛開薄暮與

陳汝海花下小飲

兩人一百歲共飲三十杯
雙花夾蒼檜天桃倚晴臺
白團燕山雪紅注天台
醅振鷺擬高下遊蜂謝徘徊
昂首冠接羅捧心舞筵
暹殘日凝餘霞迴風起
輕雷不念影寐之但惜
光皚之珠衣點綴減粟尺
彌縫裁團之妝奩巧宛
轉寒紋迴香深妬紫檀色
靚羞蒼苔幸茲艷陽盛
不以塵土摧凡卉工後
先孤根靜栽培翫芳悟
觀象擷英審掄材較輾
青紫場躡籍錦繡堆高
羞折腰柳逸亞橫枝梅
慙懃識花意浩蕩為我
開殿廬龍光動瑣窓
駒影催相迎復相恨
欲去還相陪停雲儼若
思落月寒如

灰當歌願秉燭渴吻驚耻壘

送祝丹陽使武當山

夙昔山水郡浮身宅冰霜
迴首楚望深乘車升武當
上有天一池夾日紅熒煌
玄雲起丹甲群螭恣騰
驤攀崖靈壽杖坐石芙蓉
林琳琅徹迴鸞儼立承天
香麻衣采芝叟百歲鬚
眉蒼授子以易知永視元
運長摩挲古金人鞅轄日
月光中臺古蒿萃天風振
層岡揮手謝來者下土何
遑之

贈陳文翁求篆扁

往聖挾天巧虫魚構瑰奇
辛勤汗簡功淪落誰傳茲
昂

昂子陳子掇拾靡棄遺清齋淨無塵素壁懸秦碑侶欲
卧其下畫腹鬼神悲氣酣落長牋屈曲生妍姿斷嶂立
冰箸迴波捲蓴絲百幻頃刻成長鋒勁如錐解衣坐晴
窓青眸光陸離客喧意自寂手敏心相違遠憐李氏子
自謂一代師蒼徨大夫門筆冷情依々得非金注昏竟
墮豪俠欺我家竹石居甕牖迎春曦煩君作佳扁朝夕
舒頑疲夜月走魑魅晴雲鬱蛟螭高張駭衆客傳觀忽
羣兒能事敢強迫妙處通天機會洵風日清醉墨傾淋
漓

送李平叔之信陽

維昔文昌公幽蘭閔孤芳高秋振餘清百卉爭歛藏颯
爽眉髮古莪冠坐鄞庠歌詩闡溫柔宮商起虛堂絢爛
五色雲縹緲鳴鸞凰至今老諸生猶能記鏗鏘乘風侍
金華蹇諤懷剛腸諫疏納帝榻百壬斂妖芒年運既莫
從精爽回雲鄉空餘子雲宅澗水猶湯々永思古遺直
江湖眇相望竭來芙蓉峯喬木鬱以蒼蕤然孫枝秀妙
譽叅珪璋投牒山水州清溪趣輕舸羣公列贈語握手
揮觴離我生識面晚懷賢意何長慨茲衣冠冑蒹葭墮
飛霜交衢泣零落寸心實徬徨斯文倘未墜龍虎回天
章願言紹正學青雲縱翱翔

贈徐中丞二首

南海有玄鶴孤唳雲稜^層天池不肯下厭此魚鼈腥露
冷懷長飢恹澹舒寒翎空巖蔽喬松鬱太古青喬松
意何悄陰籟驅群靈下有散髮翁嘿誦離騷經妙顏粲
瓊芝孰視眸晶熒鏗然拔長劍神光簇新斲倏忽去已
遠玄鶴空晚晚為言來何遲迴風起前巘
鳧氏哀吉金紅爐範黃鐘成飾雕簏岌業蟠虬龍大
鳴淳以希小鳴和且冲高懸饗羣帝祥雲布青紅群帝
難強留一去三千秋張筵設尊竿庸錫南諸侯一擊黃
鵠來再擊飛雲收徬徨不敢聽亟以還中州師曠世本

有尤高悵誰謀終然待帝所天地歌同流

拙訥齋

檇櫟老薪樵鴈以不鳴烹受形既非材卒莫全其生在
昔有至人觀化通百靈至言貫圖象妙思窺璣衡乃為
萬物宗熙遂生成髡被青牛君深根護靈局永晒鄉
原子木偶欺聾盲設喻深止之跬步增慎兢世路日榛
棘韜精事沈冥滄江渺何許願言濯吾纓

送鄆陽劉縣令之官宣寧二首

崑崙馬邑州火山蒸鬱陶霜勁角弓直草淨蒼鷹條平
沙細成塵迴風湧銀濤想彼強盛時馳突聲嗷嘈烽烟

徹雲表低昂望前旄樓煩古喉襟燕秦據其尻八月秋
氣肅千家釀蒲萄

帝京布文教列邑施官曹井屋魚鱗齊禾黍黃雲高
幡然土俗變帖首羞雄豪出宰試敏手良庖靡更刀善政
奮謀傳據案除民饑村々烟火通長途罷建橐雞鳴流
水遠鴈過平陂朝餘情樂觴詠臨風謝喧囂

題文與可風雨墨竹

妙筆扶天巧黑雲參差高偃疑受雨深俊欲凌風
翹颯爽隨卷舒清涼散塵囂湛々不受暑靈籟虛窅
號緬懷文湖州玉雪人中豪想此旁礪時葆光解天
殒老僧道

機熟形影隨目迹持以深贈之生意窮秋毫高齋夜氣
寐定回起層濤

荅李生裕

尚書大同
公曾孫

英々金華伯皓首人中龍橫經古鄞水歌詩徹羣蒙舊

鄉里教授歌風雅以訓諸生正色侍邇英微言動宸聰一疏不合意

孤身轉秋鴻俯仰乾坤旋舊聞眇遺蹤坐令詩書宅寒
雲翳孤桐維昔秉文度月印五采虹知我夙昔侶贈言
啓春容清朝集文儒直筆書清忠作史聖有訓狐裘覩
蒙茸挽士貴無方正色誰為宗虛舟萬斛積遇順凌剛
風明時詎淹留勗德會有逢

題巨然楓林雅集圖

楓林集虛秋灑氣轉寥廓坡危草織々水露石鑿々四
子何方來黃塵蒲芒屨據流濯其清班荆坐盤礴山童
注新泉支鼎拾薪籜方囊濟勝具一々隨取索想彼談
笑時天弢脫塵縛上追巢許高下陋山王薄淒涼金谷
宴腥羶甕雞樂又疑東山游粉鈿汙花萼老僧習止觀
雅趣隨筆落振衣從之游素壁儼酬酢

避塵軒

飄風捲飛蓬咫尺隔烟霧馳車與急騎憧々走當路各
云有所之瞬息不得語山陽荷蓀翁守舍視日暮酌彼

澗下泉膏沐美無度寒光映玉頰浩論巖中趣永謝征
途人看雲養真素

次韵伯生榆林中秋

榆林月中來今月向此出天低鳥翼滅埜淨田事畢驛
馬西北鳴候吏語喧唧我行起視夜炯若積雪白昂頭
望玄宮耿々駐營室坐令八方澄不使萬景沒徘徊清
影孤躑躅悵後羨

送鄭景尹還里

蟬冕生詩書世胄乃鄙夷沈々喬木宅風烟暗茅茨此
理固莫詰或言有盛衰堂々魏王勳談笑帝者師風雲

締嘉會青史傳忠規諸孫靜且秀振鷺游天池鄉社三
十年永謝紈綺姿興至來上國窺探扶幽竒聞與見
見柳下揚鞭辭前聖六籍功尊聞審羣疑江源蒞甕口
濫觴渺無涯願持一寸膠黃流化晴漪天風捲秋濤舟
楫慎所持時至諒有得衡門詎棲遲

李楚齋別墅圖

別墅依平陂翳桑麻陰田翁理農具晴雲起遙岑于
時春事初佳樹響鳴禽先生朝出遊呼童佩瑤琴仲也
行比肩稱也聲相尋興至或坐石臨流散虛襟有客携
酒壺勸我手自斟共言羲皇時古風藹淳深巍居仁

里盛德世所欽三鳳在高岡叅飛起清音恂化卑讓
歲往猶傳今披圖儼見之慰我夙昔心

子昂人馬圖

飄騰天山霧溢摩玉京雲耿萬里姿矯首空其羣迺
翁愛神俊泚筆五采分翁歸侍帝所乘化觀芸彼亦
與之俱追風趣九垓時松雪翁已下世一年

題墨蘭圖

秉芳空林中介石交不黷飛英散玄佩受露以膏沐羣
妖春炫晝墨守益慎獨豈不念歲晏自獻傷我足矯
金石交挽之不盈掬疏清湛虚心振直耿絜腹昊天有

正合俯仰萬物肅臨風獨躊躇白駒儼空谷

次韵瑾子過梁山灤三十韵

大野豬東原狂瀾陋左里交流千尋峯會合百谷水量
深恣包藏神靜莫比擬碧瀾渺無津綠樹失其浹揚帆
鳥東西擊楫鷗沒起長橋篙師歌短渡販客止天平雲
覆幕灣迴路成砥鷹坊嚴聚屯漁舍映渚泚柳絲翠如
織荇帶組交疑出日浮鉦金明霞紆綬紫一軟澆腸迴
三頰慰賴泚高梳列魚貫遠吹生鳳翥前奔何無休後
進復不已遶如林鳥旋疾若坂馬駛飄愧陳人歷歷
見遺趾流移散空洲岷強尋故壘波清鳧聚陣日落魚

會市土屋危可緣草广寒

突如峙蓮根漲新圩蒲芽護荒

坻水花碧團團雲葉白迤迤澹修出飛泉闡闡搜故址

緬思重華帝允屬夏后氏彛倫著箕疇偉功傳遷史目

力渺無窮行跡端可紀前村捋柔桑沃壤接良耜餘芳

錦堆爛宿麥翠園侈乃知東魯儒終作中朝士養源匪

澆養包荒納遐通驅馳屢經過感歎復慰喜南還幸遂

願永雪洗耳耻

憶昔三首

憶昔白雲阡有松如車輪初日炫五采湛珠露勻是
時十四五恍不知其因有客笑指之慈蔭在汝身猛志

親六籍百川渺無津懷刺慎所從一先朝臣文昌古
遺直談經鬱紛綸授以漆簡書經緯通天人碧波掣鯨
魚瑞錦翻麒麟昌歎世所鄙食之乃奇珍廁身金鑿中
黽俛二十春懼貽先師羞執筆常逡巡即今已六十誓
墓廬松筠厚德靡有報淚與寒泉淪

外家甘盤宅門閤誠焯焯高懸金碧榜中有袞繡堂珠
璣左右侍絲竹儼成行幼不識慈顏到彼心徬徨每歲
兩過之嚴訓具有方膏梁病居養久爾生情荒七歲誦
詩書十齡學詞章駁尋志學歲折節師老蒼紀事法班
馬冥心契義黃謬與時彥交寶書閱琳琅今茲乞南歸

往事增慨慷興懷陶與蘇秉筆追耿光凱風有遺思願
言繼餘芳

寡帝王州我翁佐其治有亭名朝陽青溪清且駛旁
有籌邊閣羣公集裾翠翹萬芰荷雨過爭旖旎飛觴
羽書來翁霍江上燧戩冠極游談戎弁生縱恣予時侍
其旁側耳聽論議翁言不見取投劾乃謝事坐令百萬
家解甲豎降幟徘徊夕陽亭晉宋政相侶

重巖圖

為劉明叟
乃翁作

夙昔慕清隱振衣躡層巒飛鳥出天末白雲生樹端稍
覺所歷險撫松獨盤桓緬彼巖中人塵世靡有干饑食

千歲芝朱顏炯團、一日不見之披圖儼清歡崩崖胃
枯藤迴流起危湍微茫暝色共凌亂生綃寒心期果冥
會願言力加餐

王叔載以江梅有佳實託根桃李場為韵見貽
因次其韵

百川既東流震澤成三江學海詎有窮沂源探敦尾緬
彼學古人善問如鐘撞簞瓢豈在樂樞衣願為邦
六籍會有厄禍由漢晉開支離起田孟誣偽興姚梅綿
蕞匪正禮區、存曲臺吟咏既莫分褒貶以為才
我、神京秀轍跡貫九有奉璋弁如雲執轡沃在手欲窮

義黃心編簡滅蚪斗斫摩詎無念急景謝衰朽

風雨垂素期山雞鳴喈、豈不念夙昔愛此日夕佳平

明視青天義輪御中街榮悴會有時願言壯其懷

高門深寧翁晚歲悲絕筆愛彼樸橄才化為梗楠質春

花五米妍秋至詎俱實遺文粹東楹賤子願叙述

昔聞中書垣上有紫薇閣微言續九丘妙義追八索欽

岑大厦傾作記金鑿託深悲在廣招寥、鈞天樂

少小不自持曲學尊蕪繁舉觴一醕之為言護深根先

天有至理能使月窟温談笑襲師訓詎知雪齊門

斥鷃不能飛欲作搶榆高何如阿閣鳳守真始風翺志

士惜短日碩人養屯膏蕭脂始薦鬯食黍乃雪桃
昔年委閭巷初不願祿仕紬書探異同擬作前國史念
至事益非委命以修已勿為衆所訛不如道旁李
君才如江梅不入桃李場徬徨念先猷貫鵠始挽強後
生捕形影爭言早升堂唯餘白髮士耿：無它腸

董生噩上人以叔載韻見貽再次韻

關河一轍跡耿：明天江五方各異俗中州誠駿厖吾
欲上帝闔帝闔不敢撞終然返初服養佚歸海邦
遠宦三十年石田今始開觀象慕易京登真想仙梅夙
昔希匠石歲晚成輿臺志念詎不深樸檝慙非才

弱冠慕靜居掩息空萬有老禪深愛之微笑示以手忍
欲如忍事吸醯過三斗終然寒松勁不作朝菌朽
鞞帽成戚施逆耳風其嗜昂然望南山愛彼日夕佳朝
來何所見萬馬盈天街所以巢居子終然養澄懷
辛勤下帷生涌思不停筆範鑪鎔吉金變化銷其質湛
深陋雕虫多聞覈萍實袖手毋自藏盛世富紀述
噩師禪林秀宛在諸天閣當其調護時危石繫朽索作
賦極剪裁衆物各有託盦：荆山玉洋：咸池樂
玄圃有琪樹不使枝葉繁辟彼績學人芟蕪養天根歲
暮霜雪至銅柯生晏温一為梁棟才落：懸金門

吾師深寧翁屹々泰華高佳哢時一游不使凡羽翺方
壺貯神藥變為五色膏服之生羽翰陋彼東方桃
稟性非好遊亦不願祿仕感彼獲麟翁歷聘刪魯史正
緒願有傳固陋敢私已年衰絕聞見謝彼井上李
少壯勿自摧振容上詞場鶉膏淬寒鋒談笑摩堅強藉
以襍織羅貯以白玉堂辱贈莫知報因之結中腸

芳思亭

大父尚書公治圃南郊有堂亭凡十五方池脩廓屈
折便宜雨甚亦無礙游事逮今荒廢踰四十年故基
陳跡不復可考近築一亭襍植花木廣不踰畝髣其

萬一名之曰芳思玩其英華將以紬繹志興翰墨有

紹是則先公之志作詩示瓘瑾併求親友同賦

侃々尚書公投紱理泉石五堂適寒暑十亭送昕夕瓊
英玄圃秀美蔭嘉樹碧修廊不受雨來往隨履烏紅雲
漲方塘丹霞耀翠席嘉魚黃金掌瞥見眇莫測辛勤三
十年深逝晦朝蹟遺訓示子孫樹藝比其德浮雲變須
臾百幻倏消蝕空餘鄭公莊耕稼給衣食緬彼行樂時
衆植各有職以茲一畝園髣像見疇昔幽葩與羣卉生
意目不息朝陽漱靈根三咽妙紬繹曠懷事幽賞逝矣
躬六籍

次韵袁季重惠苦筍楊梅二首

食若不願餘甘回乃稱美空巖養滋味老叟清晨起斷
之玉箸圓拾以付稚子駢頭萃豪門咀吞訐金矢維時
朱明中盛德協清徵脩然在陰翳儼與松柏峙玉液生
華池可廢杜康祀含章守元吉黃中本通理絜腹表正
性要以除穢滓初如橄欖食不作即且棄世方尚腥羶
易牙正專味愧我清齋客足音足然侶

空巖迸瓊珠蕭蕭白雲中恍疑羣仙立欲脫煙霧叢招
提者誰主日出撞金鐘笙簧激清濁旌蓋搖青紅遂令彼
林谷徵索恨靡窮侍臣久歸田不數蔗椀功傾筐遠相

致齒類生冰風昂長松蓋下有萬馬容同源匪異本
斯文永為宗

清容居士集卷第六

古詩 七言

題高彦敬桑落洲望廬山圖

為秋泉作

長江亭：桑落洲一塔獨傲巔
 花秋邊聲已逐鞞鼓盡
 水氣欲挾漁榔浮謫仙
 騎鯨五柳老真景
 變滅隨沙鷗空餘秦箏與羌管
 斷續不洗琵琶愁
 玉堂小牕解蒼佩
 宴坐得意毫端收
 空青點雲碧痕濕
 方諸取月寒光流
 匡廬老人在何許
 侶覺領首相遲留
 佳峯稜：鐵鈎鎖
 寸樹點：銅浮漚
 要知翰墨灑清氣
 俗子政爾勞雕鏤
 秋泉山人息机事
 青眼不與王公酬
 高張素壁凜太古

擬跨獨鶴還磯頭人坐江湖在適意底用絕俗埋林丘
披圖覽古重歎息天際杳靄疑歸舟

秋泉德生仲章梅村章周儀之皆次余韻題廬
山圖再次韻以謝

海郡列戍連沙洲榆柳插戟搖清秋擬從京国洗氛瘴
黃塵復作烟花浮西山紫翠不可望但訝積雪如明鷗
爰君寒齋之畫幅瀟灑不寫人間愁曾中丘壑我豈少
奈此磊嵬難為收宣城詩法擬二妙炯若玉瓚盛黃流
永興天機爰神俊碧眼一顧羣無留千年周子古風月
袞之亦散空中漚乾坤無言混沌鑿頗恠我輩勞鐫搜

沉冥天台老仙伯清坐自與廬山酬天青無人月色古
縹緲五老疑駢頭功名營身旋蟻磨芻豢得意崇糟丘
何當相從老其下釀酒一醉黃金舟

張彥清以復古硯贈友人曰賦長句

高皇南游倦鋒鏑宴坐清都賓出日曾中筆陣掃玄雲
時與端溪評甲乙平生紫玉無纖塵小窻寄傲茶甌春
馬肝生寒出古色鵝眼獻秀憎妖顰烏號已去寧復得
繭紙昭陵空悵憶猶餘舊賜落人間漆字模糊記朱色
集賢學士胸次高爰此靜閱濡霜毫乃知貪夫罪懷璧
底用長物為神勞清齋持杯好顏色楚人之弓楚人得

平生弟兄今始知一笑相看竟何惜蕭齋老人筆如錐
松花蕩漾搖輪漪江南採菱曲已遠願寫紫府虛皇詞

金華曹道士白雲樓

蘇仙念母三苦飢化作白鶴時來飛我聞紫府亦官府
朝夕往返勞天机何如金華有真隱築室空翠搖烟霏
松花麩蜜五鼎養丹砂汲井千年肥我生不識萱草惟
孤身永日懷春暉白雲在天詎可望遲子歲晏山中歸

賦廣帥平寇還

蒼梧之山利如戟五溪南行水如墨文身鏤面號為人
感口磨牙時剽賊將軍手提文二及匹馬直入深林居

摩挲銅柱寫殊績南人自此長為奴檳榔快嚼端禦瘴
薏苡不將真避謗繡袍初賜簇金鷗聚米為圖指豪壯
萬里功名非偶然輕身許國誰為憐莫嫌儒冠守青簡
能淬筆鋒書定遠

謝王叅議送練春紅二枝

玉堂老仙玩幽獨閉戶無人侶初溽倚闌岸幘領孤芳
簌々輕紅冠羣綠化工有意卑凡卉積李崇桃空眩目
爭先鬪巧等堪憐已向東風盡驅逐此花清妍淨如洗
收拾餘春傲榮辱何郎湯餅徒試妝太真溫泉空賜浴
天然生色鑄真態亭午低頭睡初足誰言花后最奇絕

我恠酪奴能汙觸媽然一笑奉清惟莫把金尊歌別鵠
并刀妙剪駢頭來珠露淋漓袖新感似嫌凡子多京塵
却恨高人付流俗微風澹蕩新雨生強拭愁容吐殘馥
擬將色筆寫清意綺語非工那忍讀徘徊中庭月過半
翠袖娟、泣寒玉

題董簡卿瀟湘圖

瀟湘之水太古色烟樹空濛成寸碧奔騰日月轉銀丸
噴薄峰巒凝鐵石楚棹相將客獨聞楚歌歎乃人誰識
望盡蒼梧不見雲千古靈均空悵憶

絡馬圖

秋原苜蓿肥雲屯帖、此馬和且馴屬車效駕豈在力
愧汗絕足追奔塵良哀不生造父往公子毫端意悽愴
虞淵逐日終飲河出門加鞭奈爾何

康樂園

長安韓德卿夜夢至一宮室
扁曰康樂園曰名其堂以奉母

至人無夢、乃真瞪目一視空中塵悲歡蟻旋水東注
遺珠罔象迷其津持麤嗽白逞詭詭取禾坐極夸榮貴
不如長安韓生道上眠念母還家枕中記紫霞之宮那
俗書烟霏霧結開雲圖虛靈變化在頃刻齧指疾應維
心符城上烏啼畢逋尾倚門獨占乾鵲喜萬里辭親真
可憐書來端有平安字

贈杜秀才歸省荆南

臨江種橘、易朽滿籬積金、作奴何如遣兒束書帙
婀娜初服遊鴻都從師之樂瑞解語暫作庭前絲衣舞
會待明年春水生雙槩如親龍上天去

贈拙訥子

萬言不啻一杯水刻楮徒費三年功何如冥坐寐真靜
木末時數南飛鴻長安之衢塵幕、願言飲垢如飲蜜
鸚鵡作賦真有才至今江浪猶銜哀

寄南劍李士弘使君

水雲離、千疊峰海日如鏡行天紅使君新沐坐清越

筆底丘壑生陰風玉蘭之花不受觸日給飛泉三百斛
高春打衙人不來鶴立蒼苔動新綠

送任道士歸武夷

武夷之峯高挿旻落日離海朝為宿石林芙蓉迸膏露
乳竇醞淥凝長春陰崖怪壁鳥跡絕葛藟當戶苔鱗、
神君枯魚古籩豆曾孫毛竹今霜筠千年金骨幻凡目
玉篋九鏤光如新想當精思握宇宙魄質已化能成身
我聞帝居亦官府風為泱泱空中輪愛君釣鼈辟東海
笑踏北雪鬚著銀寥、空山太古水清夢入髓時相親
誰言五色乳吾目得意忘象那非真歸來玄鶴忽不見

勸汝速浣征衣塵

送郭天錫還京口

朔風吹塵着馳裘，
凝絮玄霜浮城南。
泥深擁車轍，
矮屋夜卧鄉心稠。
暮春雪消花始放，
積柳婀娜沙中洲。
布帆在手不易舉，
目數過翼隨雲流。
人言擔簦古奇遇，
邂逅一見能封侯。
紛綸才舌有榮辱，
智士縮功成身謀。
愛君亭之日中鵠，
玉色已變扶桑游。
紫芝為糧露為醕，
北遼瀚海觀羣漚。
素書滿囊不干世，
磊落肝膽看吳鉤。
新編剪雲彩，
鸞舞妙峯入木寒。
藤抽氣酣登臺望，
陳跡忼慨直欲微言酬。
舊家鐵甕古城下，
春浪汹涌今悠悠。

但當清談且飲酒，
往事寂歷遺硯頭。
黃鸝空桑子規怨，
椽實已盡榆根留。
長河滔天怒蛟走，
底用華表歸來愁。
江湖清歡眇去袂，
風雨疾意催行舟。
人生會合更有樂，
念此別意空綢繆。

燕吳閑、冰雪相看

豪門炙熱，如暑下馬還家。
汗流雨徒將，嘖笑作清涼。
萬事回頭，搃塵土，那知道。
人玩丘壑，一榻高寒，閑相。
碧雲散作明窓塵，妙墨還為小山霧。
平心冷語出胸臆，
頗恠梅花猶媚，
嫌崢嶸歲晏，凜令夕。
商榷斯文，共樽俎，
要知冰雪本奇絕。
正色森寒，傳太古我聞，
崑崙有至理。

陰火玉泉誰解煮會須鐵石起風雷手抉玄關破凝滯
人間寒暑潮去來物外陰陽月吞吐閉門客散真兩忘
竹影離、滿前戶

灤陽張節婦瓶中杏枝着花因賦

陶人妙合陰陽機凍壺頃刻曰芳菲盈、綠房綴冰蕊
玉蝶婀娜穿帷飛佳人蓬鬢不下堂手繡孤鳳橫匡牀
寶刀剪繒試春色翠袖慘澹顏無光烏頭可白珠九曲
造物深知憐不足故應此試一枝春點綴扶踈驚衆目
君不聞天上飄髯龍平陸成波濤又不聞壁間壺兩曜
瞬息如跳珠齊諧茫昧不可詰炯目看朱動成碧張氏

之壺如截肪真火煉質千年剛枯根借潤表貞志慎勿
語怪歸荒唐

仲章與余連舟而行仲章指畫皆不在人後夜
泊甲馬營予舟適先至仲章有詩曰以奉戲

我船如縮鼈瘦僕凌兢空挽曳掩篷熟睡初不知晚向
沙頭踏新月君船如生駒追風破浪爭驩呼青春權郎
紅蔽膝搖唇戲口歌吳歛昨宵甲馬營前宿大似天公
憐不足回帆望君、不磨出沒高梳轉河曲人生作計
那可既誰能盡已不盡智積薪居上東方愁相位還須
跛男子憶昨都門經歲除風吹乾雪塵模糊閉門擁被

謝不出時人背笑何其疎只今船行一千里萬事乘除
總如此愛君玉雪雲中英吾歌作勞君且聽

蒲城孫世英編修父年九十四號嘉遜翁院長
而次各賦詩

蒲城之下嘉遜翁銀髮髡耳雙碧瞳少年流離老康樂
布領踏醉歌春風春風畏人屢歸去阿翁扶春三始住
穿花入市爭捧盃采藥還家共携路諸孫青襦誦魯論
寒燈夜投鄰壁聞泥深翻疑犢車險雪釋自訝馳裘溫
憶昔種松如指長俯仰鐵榦參雲蒼桑田變滅理固有
底用化鶴來還鄉只今翁年九十四萬事如雲日嬉戲

迴首塵中輕薄兒奔走流年竟何事

嶽麓圖

積石落々雲中礮冠以蒼松藉瑤草天柱脩織立晴昊
絳霄雲璈誰擊考揚許之君顏色好冰綃為裳車羽葆
永憇垢濁增北天湘波層瀾勢瀾漶跳珠浮玉簸洲島
一洗氛瘴蘇衆槁爰築屠麇俾終老出門倚天心悼恍
玄穎浮花落縑縞無跡空飛詫神媪肘後藏之五色縹
念君別去塵浩々歸來歸來守其寶

送何太虛歸山中

飄々兩屐山中雲青眼不受京塵昏意行扁舟本愛雪

獨去五柳猶當門人言江湖在遲暮立談雙壁非謬誤
相逢挽君、不迴落日蒼茫蹇驢路

同子唯賦水車

挈瓶之智誠有餘抱甕之勞亦良苦何人嘗巧扶天機
河伯逡巡魚鼈舞昂、長身卧膝岸捲地翻濤敵驕暑
誰云龍骨化梅梁未信魚身作橋柱縈紆香輪過流水
突兀雲梯卷清雨橫陳歌板促紛綸倒流谷簾聲齟齬
東家饑媪顏色惡步、生蓮空媚媼陽烏流燥汗成漿
平陸須臾涌銀乳推移燥濕意本同竊奪陰陽天所怒
人言無踵能自至跬步周旋路修阻不辭滿眼看黃雲

歲晚論功付梁招君不見田舍翁年、苦辛與我同天
寒破褐厭糠覈仰視屋壁知誰窮

次韵夏明道紅梅

江南徐生圖沒骨筆底妖妍等塵物此花絕俗避春風
東望扶桑入瑰室閨風羣仙笑清窈故遣瓊英侍巾拂
龍肝麟脯厭腥臊以斗為杯飲真一嫣然乘醉下塵寰
欲向晴空舞紅雪崇桃積李行飛翻固此貞容莫旌別
效顰不語空捧心美好何由在妝抹懸知正色衆所忌
况此織穠逐時節憶昨歲暮天號寒炯、霓裳傲冰月
誰言凍吻不敢吐妙思端須續神筆飢腸雷吼空九迴

勁氣雲摩難百折人間好語詎有盡三嗅清香應倒絕

雪汚齋 邢醫取靈樞雪者 近之語為號

有客飲垢如飲墨三尺之泥及馬腹平明對鏡鮮衣裳
意氣摩雲龍食肉清虛不來空慨慷願君勿走治其狂
明憲紫塵在吾鼎淨洗紛々冰炭腸

次韵間々甲子雪

絳霄仙人雲作席宴坐玄關已知白萬妃婀娜布青陽
淨掃嚴凝驅伍陌飛雲散作平地舞剪綵寧為舊時色
西峯秀筆眇何許侶換當年銅綠格洛陽之人凍吻縮
詩句那敢隨刻燭大鈞有意迴昭蘇至寶無華匪脂澤

乾坤偉觀雙眼明高卧元龍須百尺

贈錢唐吳月湖 棄右班 學黃冠

君不見後湖仙一官掉首餐神丹月明江上杳然去惟
見玉珮雲珊珊 又不見姚將軍夜騎黑驪趨劍門飢來
青城采芝食童顏逸足追奔雲人生富貴那可必偷竊
陰陽亦奇崛陰符自與素書通赤松來歸乃真逸西湖
明月不可釣呼吸湖光月隨照要知心與月同明暫假
孤光敵清皎憶昔黃霧衝八蠻解肉消盡口吻乾萬里
生還真幸爾十年老去猶凄然即今落魄隨塵緣丹霞
玉樹壺中天何年輕舉化飛鶴歸視城郭同蒼烟

送趙君佐茶使

淮南食茗如食粥清曉烹烟出茅屋生來不識太官羊
翁媪相看夸不足連網貢餘知幾春排檣接纜來儀真
莫言此物常苦飢船中估客肉常肥

黃臨汝以長句索筆次韻

寸錐飲墨工傳書十載妙蹟遺官奴寶跗綠沉不易致
葫蘆荆管那能無古來志士心獨苦採荻夜畫灰成圖
書寫歲月要有限作計何必輸人鬚中山卯君被羈束
論功且復歸韓盧柳家鈎鎖本新樣內史筆勢難為徒
遂令陳生擅料事坐出妙語如擒俘邇來八法益踈陋

雞毛兔毳爭庭除姓名僅記政自可文采日泯終何如
湖陰丈人古仙伯舊嗜寶刻窺鴻都飄如晴雲彩鸞舞
勁若暖浪寒尊舒丹碑翠碣已冠世所恨咋舌懷嘉謨
竭來掘筆弄天巧下視羅趙真之餘詩成醉墨作三絕
寒室眩晃生瓊琚

題翠山嗣禪師禰花世界

寶田琪柯天上種一三五采相紛披深根清寧出樂國
幻境變滅卑仇池蕊珠駢頭滴膏露萼綠擁翠攢新枝
陰陽轉旋發天祕霜雪饕虐培靈基紫泥分封慶雲護
緹室應律溫風移初疑層臺閬仙下侶笑移谷愚公癡

側金布地素習結剪絲眩晝神光竒桂宮斫斧古莫徵
桃源展畫人猶疑高禪息机月窟坐微笑彈指靈山來
嵌空積鐵不受暑垂溜挂練能成漪巧翻新好喻空假
妙合頃刻窮施為溝塍行平碁局布巖谷巉削丹泉滋
流鶯弄晴逞繚繞幽鳥觸影搖參差扶筇一觀定已駭
飛觥百罰知何辭看毛猶存眼非眩意不落相寧無詞

贈劉醫

行禁架術

君不見東漢趙生試竒術禁架相傳人莫測桑皮為脯
水為醪耿二千年猶廟食事見後漢趙炳傳今台州土神是也又不見葛
稚川遠窮勾漏思得仙辛勤纂書集竒恠金創一映完

如前古來長生氣為寶踵息深神不老肯將呼吸逐
凡庸辛苦徒令顏色槁羨君妙契合二士萬病相酬一
杯水參苓遠棄藥無功變幻須臾人共喜靈龜枯桑終
殞生鴈以不鳴曾見烹誰言靜嘿解自致奔走岐路方
喧爭我生守口今已瘖氣涌如山空苦心湯將寸穎寫
竒崛紛々過眼誰知音峻層瘦骨非食肉空洞無塵那
有俗金華玉液端可餐要俟它年梨棗熟

次韵段惟德右司

空齋病起槐幄深碧雲道士遙相臨問之不肯說姓字
笑指庭鶴知余心昔年種松在山北咫尺十載修篁侵

公當青春立霄漢我竟日夕還山陰
駟馬不受人間齣春入川原草如髮老髯背面心已知
眼底玄黃搃凡骨相親柳下那作疎泯默此意今為圖
竹林之賢固奇士晚歲絕交真可吁

張氏女

七歲能
大書

皎々嬌女眉髮鮮筆墨為未書為田家負畫地當繅楮
能使平陸生雲烟老蛟翻波注甘澍渴驥齧糲追寒泉
躍如斫陣勢揮突快若舞劍光迴旋青燈阿翁夜授詩
誦聲出屋清且圓天然異質世外寶寸穎入手真如椽

流紅題詩愧飄蕩織錦作字空纏綿
流林不憂翠袖薄玉兔晃耀舜花鈿
君不聞祝融之峯魏氏女空中落筆
垂瓊篇閉門養姑吳彩鸞一謫人世
知何年道合變化難具言宿習妙解寧
非仙

送儀上人歸天台

三百六旬塵浩々萬八千丈雲飄々
手提飛錫絕江去獨飲古澗長生瓢
乳鹿呼風小兒語老鶴翫月仙人舞
空林桂落招不來永歇巖頭斷前路

題李廷弼歸安去思碑

人言歸安之水堪耘耔人言歸安之水宜繭絲
移文夜

下鄉社集折竹作度魚鱗推阿翁裹飯立田所大兒應
官入城府篝燈夜莫尖角羸百畝塗朱費千楮慈仁李
長官眼明不識催租癩溝塍如枰奮疆理故王之籍那
可毀刮毛龜背羞作腴掉頭據案難奉符

聖朝阜民極天際山積川量一稊米桂冠徒步歸既休
虛籍誇浮非我計弁山何嶠屹苔溪何潺湲山君水神
各有職樂意禽魚兩相得君不聞古來吏弘羊煮劉晏
死飛蛾赴膏無有已歸安之碑立如玉父老摩挲路人
讀

題董高閒道士春龍行雨圖

清冷之淵玉為竇呼吸銀丸起晴晝昂頭躍空朝紫京
海若蒼黃河伯走積靈為氣翻帝車坐今日觀生糝糊
黃雲離、覆下地神跡彷彿象今為圖

送錢唐萬戶還鎮

秋風八月錢唐潮三千組練平明駛吳王故宮草凝碧
一塔突兀凌霄將軍宣威立油幕手撚羽箭調青鸞
穿空盤旋彩雲墮藉草燔炙羞肝膾酒酣意氣擊玉斗
垂手逞舞花容嬌百年繁華等流水金谷翠樹隨塵消
平湖隄柳千萬縷時繫落日傳笙簫宴安侈習卒未盡
癡兒駭女猶喧桃名王之孫古英武韜鈴夜誦聽寒刀

徒兵晝閱逐奔馬
舟師夜渡追輕舸
坐令長城鎮南服
鯁鯁落胆夷奸妖
煌煌輿圖久橐戢
紫燕九陌嘶風驕
胸中武庫貴商略
談笑橫梁真雄超
丹書之功在金匱
願趾世燉輝皇朝

嗣天師墨竹

玄雲空飛着無跡
濃澹晴谿護寒碧
碌碌玉石圓且奇
古澗因依養顏色
仙人紫宮朝未移
平安日報春熙
生綃陳情寫初意
為問白鶴來何遲

送趙簿正卿歸養胙城

淵明投幘酒初熟
弘景挂冠丹始成
何如奉輿歸故里

夜聽慈竹平安聲
食蓮分甘含雲冷
得魚入饌泉水清
門前槐柳綠陰直
會有雙鶴飛來迎

送保寧萬戶出鎮

古閬州

鵲樹飄紅蜀帝飛
錦屏橫空十二眉
天狼夜沉北斗正
筆花列陣書成圍
拾遺舊題山鬼嘯
文石縱橫碧苔燒
將軍好文歌太平
桂酒謹迎梓潼廟

子昂寒篠枯槎圖

靈柯連蜷排石角
海風吹秋折繁萼
亭明玗左右從
呼吸玄雲起陰壑
猛思誓欲窺河源
從者亦返清冷淵
河源露重星差峩
清冷之淵多蛟鼉
上天下天意沉惻

化作蒼龍張素壁玉堂之仙墨成沼頽脫淋漓翻浩漚
鐵幹飛光明月流翠節參差飄窈窕昂身突兀太古春
嶂嶭赤立驚絕人支頤觀象洞玄化芳朽成歲非吾真

澧州通濟橋

洞庭水簇波湯：老蛟扶舟恣低昂何人空中化樓閣
斷鼉為石虹為梁澧陽太守嘿無語朱墨塵深失修舉
萬里南來春未歸離家想爾曾題柱

近有善書僧曰溫妙明溫華亭人明眉山人也
余嘗識明於玉几山其年未四十溫老矣予識
于靈隱視其書之高下亦類夫年也閏十月有

僧携明書示余遂各為一章美之且記二子之
出處焉

老溫作書誰授訣少學潘郎繞城帖興來握筆弄春妍
靄々芳叢開飛蝶平生大字顏魯公晚復顛放少露鋒
論功古法雖未至瀟灑要是僧中雄醉裏蒲萄墨為骨
秋葉東西雲鬱勃累繒急點數玄珠不識公卿是何物
只今書畫名已傳華亭鶴唳悲流年西方金仙在何天
寄聲為了塵中緣

蜀明貌癯肩聳山我與之語清且閒聞其作書誠險艱
自製美筆出袖間流落金題入清笈魚鱗無聲帳中閱

映水寒蕞凝素波側石枯藤挂斜月西風玉几雲翩
黃衣渡江聽清猿逢人醉寫數十紙山僧示我相誇傳
歐陽父子病骨立誠懸繼之天為泣是優抵掌真偶然
妙解無言君合識

善之携酒招遊西湖值雷雨分韻得杯字

南山樹影糊輕煤北山雲花玉崔嵬絕憐我輩少姿媚
幻此異景窮竒瑰湖光山色兩愁絕更挾新雨除飛埃
千年龍公睡忽醒頃刻駕浪鞭春雷我生倦遊端有意
陳跡黯澹滂蒼苔擬將鐵笛寫清怨復恐翠袖含餘哀
主人侶恠不解乘故結勝侶携樽壘翩六鶴舞晴翻

華表清唳雲光開絕憐山雞強翬翼照水寒影空徘徊
謝公屐齒殊濟勝偈不蓬宇徒低摧娟新青故堤柳
片輕白孤山梅春風佳游詎易得相與一笑同銜杯

賦金華方君雙魚研

海上鯨魚雙鬣紅振鬣直上嫦娥宮侶嫌嫦娥太孤絕
耿々冰雪難為容須臾海枯不可下駢頭躍入空巖罅
翠藤交絡石罅深太古風雷催變化得意相忘睡酣熟
開眼重光弄蛾綠跳銀破練何足竒共飽雲腴作寒玉
良工感此同死生冥搜巧琢存其形世人翕霍漫刎頸
對此三挹顏為頽玄英聞孫古俠士脫粟論交傾意氣

却來風雨泊江干
拂拭雙魚落清泪
平生謝子金石交
詩魂寤歷飄黃茆
此中濡毫作新誌
免與俗子同訛嘲

寄張伯雨道士兼簡鄧慶長二首

寢扉曉入香爐雲
尸坐朝日雙臉醺
南山鐘磬侶有約
北山禽鳥如相聞
楊枝低昂碧霞袖
藕葉清淺青霓裙
更欲深居入林壑
築壇夜禮三茅君

越羅作衫花纂
今年身長覺衣短
垂虹大堤迎棹船
綵袖翩躚酒卮暖
還家閉門百不知
桐葉題詩綠陰滿
鄰坊為約張隱居
細雨湖橋乘款段

清容居士集卷第六

清容居士集卷第七

古詩七言

煮茶圖 并序

煮茶圖一卷
彷彿石窓史處州燕居故事所作也
石窓諱文卿字景賢外高祖忠定王曾孫儀觀清朗超然
綺紈之習聚四方奇石築忠窗曰山澤居而自號曰石
窓山樵此圖左列圖卷比束如玉筍錦繡間錯旁有
一童出囊琴拂塵以俟命右橫重屏石窓手執烏絲
欄書展翫疑有所構思屏後一几設茶器數十一童
偃背運碾綠塵滿中一童篝火候湯感唇望鼎口若

懼主人將索者如意塵尾巾壺斫紙皆織悉整其羽
衣烏巾玉色絢起望之真飛仙人予意永和諸賢放
浪泉石當不過是而其泊然官意翰墨清灑誠足以
方駕而無愧甲午冬十月其孫公疇出以相示日記
而賦之以發千古之遠想云

石窓山樵晉公子獨鶴蕭々烟竹裏月湖一頃碧琉璃
高築虛堂水中泚堂深六月生涼秋萬柄風搖紅旖旎
導南更有山澤居四面晴峰插天倚憶昔王門豪盛時
甲族丁黃搃朱紫曉趨黃閣袖香塵俯首脂韋希雋美
一官遠去長安門德色欣々對妻子豈如高懷脫榮辱

妙出清言洗紈綺郡符一試不挂意岸幘看雲卧林墅
平生嗜茗々有癖古井汲泉和石髓風回翠碾落晴花
湯響雲鐺袞珠葢齒寒意冷復三咽萬事無言歸坎止
何人丹青悟天巧落筆毫芒研妙理黃梁初炊夢未古
舊事淒零誰復紀展圖縹渺憶遺蹤玉珮珊珊響秋水

贈張玉田

循王五世孫
來郵設卜肆

將軍金甲明如日勒馬橋邊清警蹕淮塢徹衛羽書沉
置酒行宮功第一彈冠熊軾填高門英々玉照稱聞孫
張鎡號約齋
堂名玉照百年文物意未盡玉田公子尤超羣紫簫
吹殘江水立野雉驚塵暗原隰夜攀雪柳踏河水竟上

燕臺論得失丈夫未遇空遠游秋風浙瀝銷征裘翩然
騎鶴歸海上一笑相問誇綢繆兩矐奔飛互朝夕璇府
森芒蠹莫測要須畫紙為君聽落筆雌黃期破的壺中
白日常高懸道逢落魄呼醉眠清歌停雲意慘澹倚声
更度飛龍篇

題子昂浴馬圖

首着原空雪新積羣馬飢鳴渡江食大梁公子心未平
一匹宛駒萬夫敵圍人初浴意氣增跨轡已晚知無成
雲牕徘徊悄無語掩卷索々猶風生

送倪德進歸番易

書眸的々垂方珠辨口落々傾冰壺寶刀挂壁指閭闔
扁舟挾浪辭東吳低昂黍禾故流道隱沒桑棗遺宮墟
仰看浮雲勿復語俯視逝水誰為圖天衢晴塵接冠蓋
石室古簡搜盤盂大宜置身並班馬小却論事追唐虞
懸知搭簷要有得永愧折簡終難呼深春無人碧桃靜
落月在屋冥鴻俱歌聲清琅振金石筆意橫逸搖璜琚
苦心寧為爨下木帖首不作轅中駒牛毛取士固當走
魚目眩世徒爭姝平原飛埃宿麥盡長河奔潦柔桑枯
還家勿陳賈生策閉戶趣著神農書相思我亦返屠肆
靜念子豈淹田廬

送僧德芬過松江

海門山人捐竹杖笑指飛濤挾雙槩雲間鶴唳耳不聞
洞下龍蹄夢猶想我聞諸天亦官府一息塵寰搃調御
黃花滿院人跡稀霜月離離在前戶

憶陳道士

空巖羽人氣為祖玉立秋空振玄古酒酣高嘯裂行雲
直上鈞天聽渡武白雲一去誰遺情掉首不問人間名
當時雙瞳傲餘子猶有翰墨傳孤清紫綸交馳丹闕下
人道山中多僕射黃金蛻骨碧藤深夜半寒光明月價
飛鳧縹緲山鬼靈蕙教一薦端貴誠欲從桂父乞仙露

虛北回激笙竽聲

病馬圖

青絲屈曲長安道卓午歸來厩中老側身仰天思遠游
口不能言顏色悄奚官却立深有疑侶言非病那用醫
願乘長風迅絕足一息八極歸瑤池

次韻張伯雨梅花島

雲屏油幕低覆垂晴日倒映黃琉璃孤根自有巖壑趣
屈曲緹室情依、巍峩青女來盡珠赤脚獨立層冰渠
燧人當陽朝寶鑑金昏簇漏催銅壺何人胸中藏九島
內火迴環不知曉咄嗟已辨天機深頃刻能成化工少

陰陽在手司帝春坐窓更試明牕塵江湖遠涉汝良苦
門外萬竅笙竽吟

次韻渭川春玉圖二首

至人虚心實其腹手種琅玕如種玉晴雲散墨春思浮
咫尺經營千畝足清標亭儼矜絜笑脫斑斕賜膏沐
揚旌植纛神君遊萬籟無声江水淥此君之志那可量
榮辱相忘在空谷大宜蓬萊之三山小宜武夷之九曲
前如綺園歌芝紫後若夷齊待孤竹隄麋之墨清且奇
脫落玄黃乃真目幽齋尸居耿相對有客叩門深絕俗
天空寒沈碧雲湛細酌寒泉茗秋菊夢迴倚杖森在廷

燁々雙瞳鬢深綠

瑤林羣仙歌捧腹解帶蘭臯指珮玉深知五采眩空花
守墨空巖思濯足層冰急雪成九轉重露乾烟方一沐
湘君寶瑟調初絕唯見遙峯蘸寒淥長空璇宮起萬籟
翠袖無言守山谷紛々落葉滂渭水耿々殘花守韋曲
論功歲晚端有意深愧羣英不如竹森然壁立聯堵墻
變化淋漓傾衆目高人宴坐不出門一榻常懸謝囂俗
每令此君當上坐末席餘清友松菊回首故園新雨晴
無盡春風吹草綠

汝南堂、卧雪翁飲寒閉戶稱高風吳相亡何不知止
二石醇醪能脫死吾宗高標兩都史餘子終、那足比
人生遇事何強嘆百年歲月籠中身水清之魚鈎滿餌
白鶴出林紅鶴忌君家兄弟如聯珠熟視不語疑模糊
連理之木多慈烏大兕拱立羣雛趨家僮大膝千木奴
冬園芋栗夏芙蓉壺有美酒架有書不識喜愠真何如
門前駟馬填華裾

飛鴻軒新安胡剛大

冥、天機衝紫霄炎洲雪嶺窮游遨鷓鴣一枝掩日避
始信懷土非吾曹勞生貴贈各有遺攘臂何人限南北

三足之鳥今不停寒暑周迴短長刻

李士弘枯木風竹圖為玉隆陳又新作

狂蛟舞空蒼髯擎雙鐵蒙頂雲交加亭、霜標不受侮
慘澹天籟扶槎牙西山古淵人莫測一柱承天萬牛力
會須截玉化陂龍拂拭苔光遺劍跡

題茅山道士雪梅障

積金峯頭雲五采天女行空散珠琲為憐絕壑一枝春
玄墨敷調增蓓蕾因風飄零顏愈真竟日霾藏氣逾倍
油燾紛、成素旄積鐵離、增練鎧均如側杯頻承露
亂若銛刀續剪絲雙龍扶輦擬欲上萬馬飛塵卒難免

高齋鐘磬日未曛徒倚橫斜眩銀海憶昔西湖極遊歷
真與逋仙澆菟磊後知色相端有空百念灰心付真宰
我：茅君儼不死秦帝嘉平年首亥精思萬林元炁存
衆卉羣芳羞皚皚閉門緹襲坐蒲團長恐夜深風雨改
廣信奚君靜能家鷺湖以太府掾出補南康簿
予慕其仕止皆武夷先生講道之地叙言其異
同幾於贅曰成長句亦欲知夫先賢歲警非二
途近世學者駁：虛玄則知武夷晚年持守之
論非矯可不慎諸

鷺湖盡日鐘磬清不聞昔時絃誦聲爰君卜居在其側

編簡掉架猶談經當年羣公水蒼珮粲：寒芒德星會
投壺雅爭非世情餘子承風增毀背康廬招提無極篇
希夷入道從茲傳百年唇吻互嘲鄙經緯妙密同先天
兩地斯文實元氣宦游家居摠竒事稽古紛綸三萬言
顏生屢空心宴然

次韻王道士

丘真人弟子其韵
不雅馴姑答其意

潭：古仙浮玉顏憫世壯志金城堅丹霞紫壁接霄漢
過客弔古猶思賢王君碧瞳水蒼珮深恨望諸書絕燕
丘公蟬蛻七真化青史誰能繼二班

送馬季權之官平江州

碧梧丞
相元子

咸淳十載兵塵高漢江之水纔容舸
旣：太傅亂天緯
權船兩翼鳴春濤中書蛛絲守空印
片紙除書魚貫進
相府門前青草深破席踈簾雙白鬢
扁舟疾走歸番江
百城破竹爭迎降終：成敗付野史
玩芳學卧唯軒窓
往事淒迷踰四紀華屋空梁歸逝水
洞庭木葉三閭愁
淮南桂叢八公死京城即今相避迨
傾蓋忘年搃論奮
穎州推官家譜傳岳陽樓頭水浮天

宋誠甫押送交趾使之武昌

飄：蒼珮乘風來下視漢水如浮杯
坡陀環堤舊亭障
鐵笛穿石聲崔嵬武昌之魚不可食
昔人作歌何寐歷

隔江小城大如斗枉使邊軍暖鋒鏑
古來相傳用武地
今作薇垣鎮官吏猩血繁纓金齒
來犀皮屬甲雕題至
碧瓦門深鼓角高羅庭椎髻聲嗷嘈
銀甕蒲萄雲葉重
錦氊叱撥風花驕深知王臣有竒筭
蠻使低頭輸密款
勸君莫登黃鶴樓勸君莫停鸚武洲
黃鶴之人白雲杳
鸚鵡之客蒼烟愁愛君手中青鏤筆
能寫牙籤三萬帙
迄今舊史難整齊屢屈先皇詔頻出
玉堂日正槐影長
汗青之簡光熒煌請君直書亡國事
還作觀風寰宇記

送濮陽陳景臯之官忻州

陳侯直氣摩青雲天馬脫駕羞駕羣
毳袍昌言高坐聳

餘子俛首卑塵氣探囊竒策得要領炙轂妙語通氤氲
京城之居閱冠蓋酒觴棊局忘昏昕平生植竹嗜好古
膏沐服食童顏醺往年濟陰試敏手桑柘載春田耘
政成烏府考上擊鮮釀秣歸榆枌窮冬邂逅色骯髒
近錫符竹州名忻自宜骨鯁任獻納或佐輦轂輸忠勤
羣公歎息各賦詠跋馬操袂愁離分緬思河東舊雄鎮
甲騎出塞宵踰汾即今樓臺歌響集棗下纂紛紅裙
爰君胸中人物論炭礪破的無虛文蓋公之堂本清淨
解帶卧治收竒勲此君相從匪朝夕晝簾煮茗看爐熏

送湯道士降香武當山

紫衣山人眼如月朝捧天香辭鳳闕柳絲輕拂桃花驄
屈曲層巒過後鶻澗中黃銀如僕姑清淺閃爍隨菖蒲
水流東南天轉北橐籥妙化誰為圖沉玄帝道淵嘿
手握神機合無極密調六氣佐璇璣魑魅潛藏百神職
暮春之初傳降靈閱世已久難稽評龍虎之章端莫測
龜蛇之光杳無跡

過高郵湖

七十二湖春浪濃風刀剪霰跳玲瓏參差凍柳皂纛重
偃首俟命朝珠宮淮南田父身龍鍾灼龜瀝酒占年豐
舊秋積水挾豐隆長魚揚鬣蒲蕩中桑顛高下淒冥鴻

黑禾生耳隨飛蓬
瓢囊扶携出城東
至治天子達四聰
詔書寬大蠲民農
秀麥萃翠織茸赫
日出海扶桑紅
歲熟於酉年相逢
擊壤鼓腹歌時雍
展牲羨報湖神功

趙昌荷花

我家東湖三百頃
瑞錦縱橫綠雲凝
森曉氣天香飛
星斗光沈水花淨
遠如嬰兒脫文襟
近若胎仙臨玉鏡
瓊杯欲側雨絲垂
金掌初調露珠定
盡將機心付鷗鷺
小雨輕烟穿短艇
京塵烏帽二十年
夢入滄洲寄清興
趙生畫意不畫格
淺粉輕砂養真性
韜精斂容羞自陳
三沐無言月華靚
邇來馮於號能事
老嫩風晴毫髮證

玄黃已辨神俊枯
逐影之人道中病
高堂視此青琉璃
香色俱忘保清靜

京尹旌門

泰山之溜石可穿
磨磚為鏡不問年
人生作事貴苦堅
砥節厲行通蒼天
武清之祠世所傳
出門重趼神已憐
五里一堠拜漸前
寶鑪當胸起霏烟
念我母疾醫難痊
帝叱二豎沉諸淵
秀眉鶴髮人中仙
伯仲於季舞蹁躑
脩齡已盡銜苦冤
烏傷栢慘羅墓田
劉愷丁鴻孰為賢
煌々神州風化先
槐柳表道綽楔懸
播紳交喜聯序篇
太史屬筆慚非椽

乘鸞吹簫圖

繆公荒淫亂天紀，纍纍宮中四十子。懷羸復作重耳妻，
匝盪相揮國深耻。娉婷弄玉誰復看，參差竊窈能合歡。
築臺虛聲出天外，詐言後夜同乘鸞。人言神仙能不死，
橐泉之墳露遺趾。哀哀黃鳥飛復來，良藥刀圭竟誰致。
高辛之女隨盤瓠，漢愁匈奴遣公主。一身能解百城圍，
鄙計呶嗷笑千古。天台之事尤荒唐，劉郎阮郎歸洞房。
石橋雲深樛木冑，披圖相看儼同傳。

雲岡圖

為王琳能作

白雲晃：虛飄：羣峰磊砢通危橋，蒼髯側挂截地脉。

素練直下來，山腰是中樓閣誰所居。翠篁高拂寒光遙，
憑虛望遠意莫盡。振衣獨立搏扶搖，王侯出守山水郡。
逞懷盤礴窮清寥，一日不見輒憤。卧游想像歸生綃，
信知俗子謝不去。濟勝有具難為招。

贈吳江宋尉

太湖三萬六千頃，穰稔秋風政相並。吳船蹴擲如飛梭，
鳧鴈參差白雲影。連年田舍無炊烟，吳船出沒平湖前。
縣官打衙入湖去，弓刀夾棹魚升天。元憲之孫為少府，
岸幘看山揮玉塵。飛蝗避境虎渡河，吳船雖多奈我何。

與相士王月屋

世途紛々黑如漆暗中摸索端有術何人竊藥廣寒宮
碧眼淋漓論得失顰頭之子藍且醜牙籌夜深鬼神守
麟臺功次不論渠當道相逢須疾走

廬陵梁醫濟生堂

上池之水人莫識三揖東華借餘瀝瞳光透碧千里懸
二豎蒼黃離衽席南康昔有劉神醫鶴骨變化芝木肥
入門逆意望且走吾今見子同其機

次韵史允叟檜屏

蒼雲之根百歲植巧匠屈曲空揉蟠淨如翡翠立亭下
矯若么鳳依闌干崢嶸要使頭角出鞭霆駕電超雲端

扶春萬條豈不好猥瑣籬落迎霜殘君不見姚江參天

兩雙檜至今風雨之夜猶清寒

越王尉餘姚嘗植双檜于尉治

次韵蒋遠静

蒋氏祖五代末與僧為友僧落魄乞食市中六七
見常負囊從之一日與蒋浴江中視其背有目蒋
驚異是日僧化去乃彌勒也留布囊与别且云蒋
氏子孫當代有進士

唾壺塵尾手持白眼對客々不知出門俗子多敗意

三語之掾真吾師曉寔新沐綠陰淨碧雲奇峯生九疑

隔鄰書聲入幽耳茶甌散花酒浮蟻百年行樂在適意

燕頷頭顱空萬里君不見燕山俠客多苦寒出門悲歌

來日難

同龕彌勒誰搃持沙上偶坐忘所知布囊相傳陋七葉
密記端是人天師愛君清言漱金石酒酣硬語輕丞疑
亦知造物端戲耳一室尸居旋磨蟻東鄰花莢西鄰歌
咫尺相思隔千里陳郎之約不可寒我眠卿去人所難
廬江羊孝子兵難時兄弟三人與其母被掠為
奴後廿年復得完聚郡表其閭

君不見觀津竇廣國傳舍沐頭深記憶時來徒步入長
安握手相看泪如滴又不見杜羔孝感為尚書兵前失
母長歎歎一朝老嫗忽邂逅郎君玉貌猶吾夫淮源鐵
騎排雲來戰骨積雪飛寒灰小兒纍纍繫馬尾鬼妾赤

脚驅車迴黃塵漲空日將暮母子兄弟不知處只今搃
是太平民那識當年亂離苦人言缺月定有圓馬能生
角石可穿亭之高門拱槐柳更灑鴻筆傳青編

送潘元卿績溪邑諭

君不聞黃山種松法纍纍如珠茁如髮十年拱把百年
梁華表相看化豎魄又不聞婺源之山高入雲黃流夜
作河漢奔醜渠漩渦濟川具怙首萬折歸天門魯中之
壁神所惜龍馬成圖帝為錫帝編索隱年益耆此道誰
言深默得紫陽老人心胸高番髮執簡窮秋毫即今羣
經束高閣上擬混沌中唐堯拱手臯比立環堵哆口紛

紛角門戶君看黃山之松婺源水師友根源政相侶

次韵黃松瀑自廣信見寄

開元天子書石經雉頭焚却邊宇寧合宮宗祀廣致敬
底用物馬登云亭林之碑臺刻新出嘉禧殿前稱第一
小臣捧詔渡江南蠶尾渠看耀晴日裝成外賜諸王宮
餘墨淋漓徧孤棘古文偽出今文訛斷簡誰能究佔畢
黃仙盡日鉛槧忙語言冰雪容堂之明時孝治邁千古

願借鴻筆歌陶唐

時奉旨刻
八分孝經

題黃居寀蒼鷹擊雉圖

坡陲肅秋塵四起逆風雉飛疾如矢蒼鷹矯之凌空來

注目穿胸紅披靡山雌藏頭入荒篠回視其雄端一死
玄雲摩盪寒光浮側身翻雲轉輪翅急如冠軍赴猛敵
緩若計士藏深智蜀山巍高翠周匝狹徑交衢不容駟
黃生養之愛神俊勇氣縱橫怒盈皆想當落筆望平坂
回首當閑真劇戲君不聞箕裘可學端有傳諸孫射生

養殘年

黃荃養鷹學畫鷹
諸孫皆為獵師

送廬陵陳存道赴廣州教授

君不見端平崔相國竹杖角巾老辭蜀清名高節耀千
古寒菊孤香出林谷又不見咸淳張狀元落之對三
千言流離抱忠葬魚腹要使名字傳遺編即今聲教震

南朔此州文獻端磊落荔枝一色紅雲蒸菖蒲九節清
溪明當年中州人物論風度曲江之公唐帝顧吳儂
儉父互譏許坐使官曹異銓注吾聞八桂山峯如玉簪衣
冠之氣連青雲穹龜負碑百神拱色羊跨乘羣仙尊翩
翩陳子天都客萬舞充庭考金石笑觀滄海陋浮漚鵬
飛暫作天池息

送毛道士降香嵩衡淮海

我所思兮在嵩嶽神清之洞何駭愕參差弄月秋氣高
王子飄飄醉騎鶴少室山人蕙帳空君今駿馬凌春風
山中齊聲呼萬歲我欲同君學蟬蛻

我所思兮在衡山重華玉珮聲珊珊芙蓉石牀秋水冷
木葉飛燈光耿耿軒轅道士人不識澗底拾薪鎔白石
我欲與君上九疑萬民樂康明聖時

我所思兮在桐栢窳帝鄉今莫識潛流倒注平淮成
天塹曾為萬人敵金龍護簡帝令森蜥蜴俛首穹龜沈
我欲與君探其底五兵長橐樂平世
我所思兮在南海鐵網珊瑚援手採沈沈雲氣方壺深
絳節神君侶相待海中颺母方頑癡朱書短札能捕之
此中竒觀通扶搖吾欲與君觀沃焦

贈番易劉生振

我欲贈君珊瑚枝君言不如貽我雜組辭我欲贈君懸
黎珠君言不如貽我盤盂書長衢飛塵日卓午觸暑東
游甬江澌目光陸離衝紙背徑上河源窮織女龍圖龜
書杳無跡弄丸冥搜天穿的空林看天無底青虛室生
雲十分白幽蘭叢深不當戶盤露凝膏敵瓊醕泰山積
溜石可消鐵研立花散晴乳林：白袍校詞藝鵬鷲淬
鋒儼初礪身同蝶化入寥天欲伴飛仙更斫桂彤庭會
升開祥雲河目海口真天人昂：曾中治安策慎勿謾
與深彌綸萬里之行生足下黃河層湍及奔馬參差柳
色暗皇州龍榜高懸動朝野

句曲山迎真送真詞二章

往歲在翰苑嘗草三茅君制書近張伯雨道士寄
示陸魯望句曲山朝真辭二章蓋每歲大茅君十
二月二日相傳由天台歸茅山春三月十八日復
歸魯望所製乃十二月而三月獨缺予不揆用韵
以補後章辭：字書即絳字古率字作率呂道士
過三茅因書以寄且為異日朝真之資伯雨詞氣
清簡必以予
言為陋也

參差窈窕行雲急翠旌飄：露華濕神君夷猶疑未來
矯首精思各山立瑤臺章徹星斗冷碧扉丹透紅流影
春雷迸壑人不知獨鶴眠松已先醒 迎真
妙顏朝迴寶衣解乘龍高駝賦遄邁山中老人年送迎
一酌寒泉過玉瀼翠氣紛霏森孔蓋扶以流鈴光纒：

帝子高歌歸去來白月追雲送飛珮

送真

附龜蒙詩云

九華磬峇寒泉急十絕幡搖翠微濕司命於

旌未下來焚香抱簡凝神立殘星下始霓裳冷缺月

纔分鶴輪影空洞靈章發一聲春來萬壑烟花醒

紫雲鳳髻飄然解玉鉞玄竿儼先邁朝真弟子悄無

言再拜碧杯添沆瀣火鈴跳躍龍毛蓋腦髮青々赧

纒々萬象消沈一瞬間空餘月外聞殘珮

贈呂與之

碧窓獨對中秋月侶恠腦華雪霜白瘦筇直上大茅峯
長吟冥思啓玄籥綠蘿丹騰紅欲走我欲拾之難在手

嗇精超形朝紫宮下視塵寰等蒼狗

送瞿伯器還吳

輕鷗不受機心縛良馬端隨敏手馳鄞江井邑十萬竈
薄領積几窮繡披瞿君坐曹談笑決長官驚誇里閭說
豈惟煮茗挹清風復解停杯問明月澄江雪浪催歸舟
洞簫聲咽行雲留明時掄材在濟用佇看公府交章酬

竹素園

細帙不作飛白體漆簡端徵殺青書哀哉瀛王兔園冊
自比稷卨今何如陳生歌聲夜漫漫手織雲錦餐琅玕
丈夫書功夙有願蕩節束帛光丘樊

松聲樓

層樓突兀觀芸、萬籟沈寥天地分初如盤車出層巘
宛若幽磬穿孤雲上方禪寂念不起但見白鶴來續紛
金鐘風篁儼相答有客掩耳元無聞

阮受益携郭功父杏山詩來求題乃知為名門
所作因次韵

葛翁迎曦侍東皇笑指梅根之陽岡手揮桃李植文杏
春至古澗流紅香杏華飛時爛林谷錦繡為天漫翠木
即今不識空陂龍猶指當年舊乘鹿紛、機事危黃間
彼艾之植誰倚蘭青松迴風太古籟移居之老時回環

兩曜躔九今幾載阮氏隱居端儼在金章紫綬光譜承
鴈塔龍門耳孫待翻、俊翮海門山我欲挾之周九寰
精思義皇粹六籍迄願閉戶窮鉛丹支辭濫說眩嫫母
正色危坐當前顏神仙之說不可學月窟謹視環中環

送林以道歸括蒼

書生作官端作勞撫拾歲月如聚毛行年六十甫墨綬
又見納祿還林臯磻溪之翁誠有道采芝妙顏夸不老
明時貧賢在壽俊未信吾徒竟衰槁君家周官擅彌綸
經緯表裏通天人那能望塵拜太守振衣黑髮前旒陳
松花霏、散黃霧春盡還家美無度篝燈讀書目光曙

承明之廬我當佇

題明皇擊梧圖

胡兒手持玉環侍君側
睥睨阿環非一夕
宮中秋葉奏清商
笑擊孫枝工按抑
嶧陽之材雲門曲
能使薰風生
衆綠如何促
名羯鼓催開紫
妖紅看不足
馬嵬坡下催進程
琅璫檀板悲零鈴
緬思康衢擊壤叟
帶索行歌不知老

清容居士集卷第七

清容居士集卷第八

歌行

吳船行

吳船團團如縮龜
終歲浮家船不歸
茅檐舊業已漂沒
一去直北纜無飢
清晨煮茶味惡薄
暮熬菹力薄不憂江南雲氣多
止畏淮南風雨作
去年水淺留金溝
今年水深上新州
終朝但知行客苦
盡歲不識離家愁
大兒跳浪新九歲
小兒學行篷作地
維舟未解碇舟牢
盡日彎篙仰天視
吳人不解碇舟終日捺篙
船頭娶婦通姻譜
知是淮南捕魚戶
寄語鄉儂莫怨尤
它年水深為汝憂

淮船行

淮船：薄：如紙客行船頭怒如鬼布衫漆黑鵲雙拳
邂逅相爭渾欲死船長不識丹腹巧却識江雲侶飛礮
風來急鼓響鑿：轉艣爭篙復喧鬧淮東燒鹽白如玉
我船輕行一萬斛淮陰米麥如京坻我船破浪帆如飛
為語吳儂莫相勝昔日汝輩同嬰兒：淮山起晴翠
船已辭鄉不相對轉蓬它日望江南猶勝當年吹出塞

越船行

越船十丈青如螺小船一丈如飛梭平生不識漂泊苦
向日此地還經過三江潮未日初晚九堰雨慳河未滿

當時却解傍朱門醉眼看天話長短年來官府催羨網
經月辛苦髻已霜布裘漫作解貂具入門意氣猶猖狂
自古魚鮭厭明越明日今朝莫論說買魚沽酒不計錢
被髮江頭傲明月勸君莫作越船婦一去家中有門戶
沙上攤錢輸不歸却向鄰船盪雙艣

清明行

東風吹柳鵝眼新家：清明忙殺人微雲細雨作春色
輕車急馬團飛塵大墳崇臺甃花石新檜珠幢當戶植
小墳纍：俱土堆高下尊卑人莫識豚肩韭餅襍瓊味
水飯飄零多古意把杯直欲酹重泉頻首填膺下真泪

須臾無言各環坐折柳攀桃爭噉炙新愁已向眼前寬
舊事翻疑夢中過

新安芍藥歌

送胡伯恭
之婺源作

洛陽花枝如美人點點不受塵土嗔輕朱深白鑄顏色
高亞綠樹爭精神那如新安紅芍藥透日千層光閃爍
碧雲迸出紫琉璃風動霓裳凝綽約我聞種花如種玉
盡日陰晴看不足微雲澹蕩增寵光細雨輕濛賜湯沐
何人看花不解理香雪紛綸手中毀酒酣跌踣空低昂
得意須臾竟如此翩跹驪雲中君愛花直欲留青春

青春如流欲歸去明年看花君合住

天瓢歌

天瓢之液如黍珠緹以十襲拱萬夫帝青寥誰可上
回風扇空揚焦枯何人夜坐守瑰室九閔清嚴集虛一
河車歷錄雲迴環帝奔騰山鬼泣中有一老翁絳旂
朱情鞭飛龍手持赤字書直入玄冥宮收瓢上天去羲
和側馭追豐隆人言此瓢不易倒瞬息人間成浩漚聊
將戲劇轉清涼玉散珠跳為渠好積神為寶乃成語
嘿變詭通仙靈丹臺紫府杳無跡丁公士女徒多名張
侯之妙不可詰見月入水月豈濕解衣倚樹寒滿襟遠

視銀河暝如漆

晉寧丁節嬪歌

明月何團團，不照孤飛鸞。妾心無虧盈，留作白頭看。堂前青桐樹，慈烏旋繞來。無數朝引三，兩雛返哺日落聲。嗚呼誰人挾彈闕，我烏守樹長泣眼。為枯人生莫作陌上花，東風飄蕩隨泥沙。望夫之石何亭亭，不如長衫立素屏。流梭夜織燈青熒，黃姑側聽中屏營。天帝與植雙桓楹，木盤可鑽河可塞。千年苦心誰復識。

哀牢夷

送張子元
僉事雲南

哀牢夷蒼山疊翠雲，無梯洱河西傾去。無底晴日倒射

紅琉璃相傳沈木兒，背坐曾遊嬉築城。蜿蜒侶龍尾，千古髯君乃其始。縛繩駕長橋，皮船中蕩搖危巔石。樓高百尺子孫生長今，漁樵空林明月手可拾。仰飲飛流鬚髮溫，寒藤胷徑側足行。飢猿兕啼鼠人立，慘澹虛無間鳥道。開人寰蛾眉東望止，一髮參旗玉井閃。上下隨躋攀，君不聞木皮岡前九折坂。客行胡為車欲返，又不聞青溪閨上三碣城。纍纍戰骨耕未平，軫家許國要有道。矍鑠是翁誇不老，張公子當有行繡衣。青春炤瓊英，笑跨紫燕辭天京。朝餐五粒之松子，暮食側生紅入齒。從來蠻客尊漢官，但飲亡何端有理。南飛雁足何憧憧。

不能與日隨西東相思望君日西下去天一握疑有雲
氣時相通

安南行

送李景山
侍郎出使

輜軒使者安南來紫泥封詔行風雷濕雲翻空海波立
鐵網山裂狂蛟摧神京煌煌鎮無極火鼠燭龍窮髮北
彈丸之地何足論蚯蚓為城霧為域瘴江如墨黃茅昏
羣蠻渡江水渾千年白雪不到地十月青梅猶滿村
赤脚搖脣矜捷鬪竹箭藏蛇襍猿狖崛強曾誇井底蛙
低徊自比泥中獸龍飛天子元年春萬邦執璧修臣隣
朱干玉戚廣庭舞笑問銅柱今何人君不聞重譯之人

越裳氏有道周王輸白雉又不聞防風之骨能專車神
禹震怒行天誅李侯桓桓水蒼珮舌本懸河四方對後
車並載朝未央稽顙九拜乞取金印歸炎荒

次韵黃可玉古墨行

寶刀曉割千歲松神膏摩盪長藥工明窓飛塵散玄粉
七劑直與黃金同澄心火伸初睡起綺疏碧芽煮火龍
金星濡毫試輕重雪跡點點留羈鴻嘗聞老奚對膠法
經月下擲清池中蟄如寒蛟纏鐵柱霹靂光紅與神遇
晴暉滂滂浮雲陰咫尺鍾山隔朝暮潘郎再拜口流涎
手揣不敢汗其羶睿思殘珪密封識舉世那得窺完全

絕憐江南文治極清賞沈着忘籌邊玉清我墨卿泣
此寶脫幻今無傳星灣寒泉白雲宅中有舊物懷杯圈
銅魚飛符不易合金釵留股那有緣撐腸拄腹貴善用
知白始解玄中玄暮年長物等嚼蠟借此寓意哦詩篇
鄭公諸孫保遺笏滌志黽勉窮韋編慎勿小智窺寥天
嗚呼李生之墨三百有幾年不如陳郎墨守行千年

李宮人琵琶行

先皇金輿時駐蹕李氏琵琶稱第一素指推卻春風深
行雲停空駐晴日居庸舊流水浩湯亂人耳龍岡
古松聲寂歷不足聽天鵝夜度孤鴈響露鶴月喚

哀猿驚鷓絃水晶絲龍柱珊瑚枝願上千萬壽復言長
相思廣寒殿冷芙蓉秋簇金雕袍香不留望瀛風翻浪
波急興聖宮前欽容立花枝羞啼蝶旋舞別調分明如
欲語憶昔從駕三十年宮壺法錦紅茸氍毹峯馬漣不
知教前部聲催檀板傳長樂畫濃雲五色侍宴群嫌頭
漸白禁柳慈烏飛復翾為言返哺明當還朝進霞觴辭
輦道母子相對猶朱顏君不聞出塞明妃恨難贖請君
換譜回鄉曲

渝州老人歌

新城彭
大雅蔡

渝州太守築城瞰江堅且牢月挂斗柄山鬼號州民累

累下江去蜀水入漢終容舸渝州何噉嘈攀緣翠木參
井高不愁灑瀕作人鮓但願浙米雲安去如馬憶昔彭
太守晚得一州大如斗征西將軍華表柱白鶴不來猿
狖守小兒舞槃紅離々大兒挽車上棧遲渴飲古澗之
層冰暮宿古松之危枝渝江之水人馬瞬息渡排石列
柵猶支持年々草青記新曆不識烽火平安是何夕赫
日涌紅輪金雞飛報渝州民空梁燕回候歸語小墻花
發舒啼痕渝州老人面如漆家住金陵年七十含辛老
入巴江路猶記墳前白楊樹前岡甕崩流後岡蚓成丘
社翁相詢傳父祖里婦驚猜訝吳語澆酒醕墳封四尺

程氏之墳從此識君不聞武擔之山五丁土歲々春風
啼杜宇

大雨醉歌 寄王待制

海風吹天黑嵯峨九衢積溜分江沱壞墻羣蟻上枯木
方池遊鯉跳鳴荷似聞南鄰王學士閉門把卷工吟哦
高張障泥倦行水垂簾倚枕游槐柯北隣老生病無力
玩易忘象竊義媧垂楊詵々翠旄舞幽葵湛々朱顏醜
憶昨祠宮醮雷所被髮統甕揮且訶縛茭搏泥肖龍狗
喫酒噴霧刑牲鵝寸雲在手不受令挾以風伯飛塵廟
虛皇神功絕聲色髯羊帖首辭岩阿君不聞夸父逐日

死飲河愚公辟影跡愈多曹相畫一日亡何草廬高卧
梁父歌板菜飛詔起雲蘿百年兩曜如擲梭志士惜日
鬢益皤會須深泥絕行道免使襤褸之士肩足相累摩

龍尾歌

送文子方著作
調官雲南

朝辭龍尾道暮往龍尾城七尺遊龍當道鳴春雪未解
四蹄輕憶昔哀牢夷來漢濱蘭倉夜渡歌苦辛皮船之
浪墨雲沈、繩橋之雨青泥滯、登山採桐皮側見五
粒松手攀欲入口疑是沈木背坐慘澹悲回風鳥飛不
能住哀猿忽相逢旁有僂耳翁為言太古之遺蹤諸葛
丞相韋郡王村、列祠堂飄笙銅鼓羣巫舞牛穀蘭藉

羞瓊漿六詔之王無曆紀唐帝傾師邊將死建隆天子
不用武玉斧手畫大渡河兩股蠻酋易馬來黎雅恣言
茶錦不當價神武皇帝開聖元薙獮窟穴張王官篚筐
歲入長安道賈客辭家不知老文著作聽我辭去天萬
里夷民疲織罽瀝猩血煎金鑄衰蹠夜行凋門夷疾走
平明出関面如泥却來京師望塵拜簇金毳袍向市賣
文著作今典雲南之選部目光透牘提筆署翦彼荆棘
薰蘭當戶西南之人手加額太史重修考功格

月海歌

水國紅葉下萬山白堯峨扶胥無垠接天際望舒力挽

沈金波人言老蟾那有光為借三足之鳥起熒煌鳥已
入地蟾在天此說詎得然或言大塊蓬氣為主浮空
五色神后輔顧菟在腹不得吐下入八瀛金碧聚貝宮
樓臺珠結戶穹龜前驅老蛟舞千人之目皆在水各持
一月得歡喜夜闌斗轉銀河傾變滅消沉去無址

敬亭歌

送鄭子寔
游敬亭

棗實纂、羅衣單抱琴背日隨鴈還今年六月居庸關
馬蹴石子流彈丸曉渡灤河水、渾不見底中有三尺
鯉素書不成字侶疑戒我慎出入五侯之鯖過客止羹
獲手爛將柰何仰視流光去如矢行路大難歸樵空山

或言山有虎豹嶺有榛菅歸漁於河、有蛟龜去將隨
波舊家坂渠溝已塞錢唐烟蕪歸不得敬亭白雲何離
離二仙霞衣坐翠微手持紫玉簫和以丹桂辭大言冷
冷小言纍、勸子勿為道途苦幽蘭深谷不當戶空青
滿岩玉流乳手繪朝元之圖萬神舞

秋江釣月圖歌

南山舞空趨翔鸞北山人立如啼猿長流東來貫其腹
謂是浙水屈曲萬丈之仙源大魚奔騰鱗鬣焦小魚委
靡隨江潮中有白玉蟾落、五采凝不消人言此蟾在
天主陰魄淪沒何為水中宅籬、千尺綸蟾永不受吞

廣寒高居凌紫清日逐烏御不得停愛此江水碧倒空
浴影潛金精感君纏綿如有素瞬息還須上天去君不
聞任公子凍海投竿非小智又不聞嚴先生羊裘古瀨
成高名君家慈母占畢逋百尺樓觀端可居黃金之鈎
不復理明月年年在秋水

二老歌

王景先省郎幼孤祖母及
其母鞠之今迎養京師

烏啼風滿窓機鳴月當房辛勤三十年護此玉雪即大
母呼孫牀下讀阿嬭烹雞炊黍熟黍熟不敢嘗命兒奉
姑旁姑言春在長安枝東風滿林深折之一折不得語
再折春臉白雲何相隨下馬忽在戶驅馬還家上堂

拜婦姑繡衫錦為帶長安之花果如斗不辭看花飲春
酒

三馬歌

東坡三
馬贊本

羗水渾蜂解屯瑞至人率歎尊叅以陳仰天門龍為鱗
炳虎文髯悍犖效伏馴鑿鏘馳道遵帝乘虬相攀雲
逝無留返崑崙

廬陵劉老人百一歌

昔聞寧皇嘉定時平淮如掌粮如坻襄陽高屯十萬卒
武昌金埒饒軍資四蜀環山堆錦繡滔南紀喉襟首
峨眉積雪不動塵玉壘浮雲古今宙當年行都號全盛

翠箔珠簾爭鬪勝西湖不識蜂臺愁北閔已絕強隣聘
寶慶天子來自外印朝諸侯土疆日窄邊庭憂大帥偃
蹇藩鎮侔小壘椎剝租癘稠春城絃管暗烟雨四十一
年變滅同浮漚咸淳太阿已倒持銅山之賊專宮帷樓
危金谷山鬼泣舸走白浪江神悲老人年周一甲子
至元大帝車書合文軌每話承平如夢中萬事東風過
馬耳只今行歲一百一坐閱天地同昨日秭歸聲苦紅
葉翻却朝睡熟黃梁失門前手種青桐百尺長笑指截
取諧宮商少君荒唐方朔誕不如老人親見深谷為高
岸我孫之孫為玄孫翔鸞峙鵠高下飛集駢清門憑公

欲補先朝事濡毫更作長生記

月鑑歌

騰之玉兔光爬沙人言受日為精華又言蟾蜍老不死
側身躍入廣寒裏信知七寶合無跡借取山河成戲劇
衆人望月見盈虧君今以月為準式我聞初生時纍之
星爛不敢隨亦如男子墮地在文綵獨抱靜性無邪歎
亭之三五遊象緯雲從於龍魚有水君臣得志何慷慨
千古消沉竟相侶須臾寒光海中匿山鬼悲吟虎狼藉
華亭聽鶴流年空北海牧羊深雪積我觀帝城之月如
玉輪團之的之無纖塵中有隱默士範月為鑑驚都人

大言穿楊葉小言貫蠨肝太虛氤氳眇窮髮引酒高坐
歌闌干

玉署齧峯歌

荅伯庸

女媧五色餘刀圭化為蓬萊東海之虹蜺神君方瞳怒
凝睇不如百鍊積鐵永從西方奎日有三足鳥其光映
顧菟海有三足鼈神山簸靈濤吐吞出沒無定時一叱
使之來玉墀大承虛皇小扶銀漢黼黻帝裳追琢廟瓚
森嚴巖巖鎮帝署百鬼却走不敢侮其或敢侮怒絕其
緒繁若珊瑚枝燁々三秀姿文理密察儼素樸乎尹旁
達歲玄機我昔坐其側耳冷心彷徨經旬卧向壁夜夢

天孫手授雲錦交龍章漆書誥盤傳古昔中有寶珠杳
無跡散之六合捲如席視之不見聽以息元氣氤氳龍
馬興文茲石點首詔爾小臣慶非烟霧出如絲綸矢心
濡筆靡有斲萬古作式永無極

秋風歌

荅子貞

七月霜清鴈南起美人亭々望秋水齧峰石畔金蓮彫
襍被中庭候行止至治丞相歌堯民矢心前榻詞如雲
平原黃低翠交舞寶穡肅々方調辛魏莪虛皇傳令速
萬姓樂康真景福使臣覘言黍禾熟八十一車馬停足

東門行

神皇揮戈度黑河四廂捧日肩相摩金袍珠縈帽七寶
剖符帶礪功難磨年々舞馬魚麗列宴罷玉帳經南坡
巖更傳警夜氣肅雜貅千列環象駝華蓋西傾星散雪
殿前蘭膏猶未滅千金七首肘腋生拉脅摧胸慘凝血
平明羣兇坐周廬傳旨東西騎交迭棄馬之邦身被繫
執簡以朝筆猶古煌々厚恩決肌髓悲泪填胸痛天裂
金繒盈車內府竭虎視眈々終一啞

廬陵海月道人歌

飄々白玉九室明歷落行雲端世人不信之謂是太古
圓缺相循環吾欲與子窮端倪一葦巨浸無東西金精

貫珠宮倒影流銀泥飢蟾飲水不入吻五色吞吐成虹
霓乃知山岳積培樓巧遮世自如以手茫々水空輪載
地行無垠置身浩蕩外光景常如新吳剛持斧不得休
沃焦日夜無停流紛々榮辱可奈何仰天一笑君當歌

聯句

東湖

舊學蕪三史新居隘一廬煎熬魚煦轍奔竄鳥驚弦擬
整登山屐長伯須乘破浪船出閔塵已遠平德過埭意爭先
歸舶攢桅聚長伯浮梁斷鎖懸潮渾江葑沒平德騰破岸藤
纏成柵依樟密長伯官堤砌石平機閒蠶喚織平德砧響鴈

傳箋不靜喧煩耳伯猶欣輟轉眠鵲橋華屋廢平德鵝匯

曲河連相實閒農具長伯醜嚴絕竈烟急裝紅蔽膝平德辨

髮黑垂肩估客編文具長伯村家締木棉生涯疲剝割平德

世路窘迤遭龕室休行客長伯郵亭歎逝川鞞鷹圍獵罷

德聯騎縱游旋路轉分支港長伯川明幻別天鄭城花已

暗平德甬水恨空傳數埃搜唐刻長伯題詩紀宋編會堂夫

子像平德汲井隱居泉海眼巖龍窟長伯山心射鹿田水鳴

知棹急平德岫走訝途遷隱見岡巒近長伯低昂橘柚鮮青

山猶五里平德綠樹已千年歸犢如雲擁長伯間花侶火然

亭裳遊女淨平德蘆管楚伶妍繫纜披團氅長伯循溪捨竹

篔簹香幽菊傲平德土薄假山偏燈火精廬古長伯衣冠故

物全登門論子姓平德對坐叙姻聯金魄篩窻影長伯丹砂

養井淵螢飛光熠平德鶴唳翼消平斗室橫烏几長伯方

牀藉素氈魂清時入夢平德意得竟忘筌過墓成扁戶長伯

遵湖復扣舷滄洲迷秀麥平德真隱拱朱椽碧洞諸天杳

長伯蒼珉帝畫鐫梯危頻縮武平德像窳且擎拳紫府商霖

歌長伯丹書漢澤宣銅鋪苔暗蝕平德經度燕新穿倦鳥辭

枯柳長伯游龜戴旱蓮古奩開漱灑平德斜縠縞漪漣淤塞

菱排劍長伯洲乾蓼糝鈿官微都尉粟平德漁納水衡錢王

絕山靈泣長伯祠荒楚老怜紙旗鄰社鬧平德草六曲河填

此去真聊爾長伯斯行信偶然柏幽藏平德颯颯平德潭黑袞蜿

蜒雅興吻長伯鹿勞生站平德鸞攬芳真啗平德蔗寫絕擬

和鉛轍跡蕪菁翳長伯麻綦泉耳綠貞娥鬱龍虎平德胄相

紹貂蟬宰木分神隧長伯思亭列石進風霜翁仲老平德香

火釋迦專楚些招歸魄長伯王官慨昔賢拜峰誰控勒平德

篆水自書玄屈曲東西路長伯縱橫南北肝繁華昨轉電

德平得失口垂涎絮酒悲宗老長伯囊經想地儂房温連梵

唄平德市近接腥膻破露生衣湿長伯登坡弱足睍卧牛遺

扁暗平德眠鹿繪容虔金刹從茲訪長伯塵纓合少蠲伐山

靈運躁平德衝雪子猷顛檜煖蜂偷蜜長伯蘆寒鳥啄綿平德蟹

稀螯數百平德樵夥斧論千淡日收人影長伯空嵐漲土埏

蒲葵遮望眼平德繭紙論吟篇除道家僮懶長伯偷程地主

儼蟻封徒曲折平德駒隙漫拘攀碎石行長伯直脩篁个

个圓深藂驚雉翠平德夾徑聳楠榭濯錦芙蓉艷長伯飄香

桂子駢雕楹回複道平德斜閣布陶磚刻畫功難盡長伯翬

飛勢欲翩奉常陳劍履平德尚服錫紘緹幘織鮫人網長伯

帷凝罽國旃妖姝汙粉頰平德土偶聳高額祛石當時力

伯臨淵昔日權尺今留黑業平德何處覓幽禪燕領風雲

會伯龜跌日月躔蛛窠綠袞服平德鼠跡上朱籩累僕供

朝沃長伯因僧進午餐佳城蹲五鳳平德素業廢三鱣勝已

窮蘭若長伯名猶慕偃仝臺空霞珮冷平德殿穿羽幢薦觀

主何年住長伯真官永世鍵畫梁誰復葺平德美蔭久頰股

木已非真李長伯僧且賤壽錢悲來雲幕平德恨極水潺

潺重嶺歲耕屋長伯斜暉指蕙榜暫歸心未穩平德欲去眼

空眩憶昔窮誅關長伯如今猛棄指慈山名轉赫平德困填

耻誰渝積翠林霏悄長伯沉波海月始遠鐘催宿鳥平德橫

笛桂鳥捷拄笏風騷曼長伯携壺主僕牽情懷同黍醴平德

臭味比香荃圓澤休論舊長伯華胥復記前乳虬號澗側

德哀狄嘯雲巔悖族盤餐盛長伯通家笑語闐鷓鴣蹄漿

熟平德舩艤逆風沿濟勝應難促長伯臨流且賦遙鷓夷歌

逝矣平德漁父卜終焉紫樅遮籬角長伯丹楓歷廟堦鍊形

金骨化平德團礎土砂堅破屋啼山鬼長伯荒碑立老鸕歲

時羞墊蹇平德水旱禱靈筭西帝澄金字長伯東湖鑄玉璿

涼颼舟泛平德晴日草芊芊射鴨縈長弋長伯叉魚擊短

鉞酒廬橫矮甕平德屠几斫肥牲街市僧袍麗長伯招虛販

鼓蕭登臨難婉戀平德想像費平銓更欲南窺海長伯誰能

北跨燕同心雙繭緒平德狗俗走珠蠟朗鑿詞聯寫長伯玄

談茗更煎翔翔誠放浪平德匍匐類狂屏已乏凌雲句長伯

時思縮項鱖還家如夢寐平德共點曉霞邊長伯

九月望日送姊歸余氏先塋之廬登其高祖少師墓

相傳為外高祖忠定王所相余氏之興地于此支壑

為尚書公墓亦為佳兆十六日早發薄山行一二里
 拜外舅之考待制公守墓僧畏庵祇迎閉關之終無
 人聲山勢左行清興未已借余庵舟過東湖上外曾
 祖忠宣公滄洲堂故基悽惋久之舟上與德平
 行至月波忠定王所建寺後有洞像補陀示相格舟
 登葉夫八肅公祠墓又上五祖堂觀旂魂辭暮抵
 鹿荃拜人正肅眉宇修廣予許以永大為疲勞是
 明過種德拜見相示獻公墓讀楊丈僧公碑庵僧西然
 非鄭氏庵比是日德平携壺同庵僧指領游大慈所
 山有僧年七十餘能道嘉定紹忠獻王墓復宿鹿
 製滄洲堂上梁文益重遠想拜忠獻王墓歸復宿鹿
 整滄洲嚴君命以詩成凡一游鮑王祠日已晏余親
 翁病瘡復留宿詩成凡一游鮑王祠日已晏余親
 于詩詞雖不宿詩成凡一游鮑王祠日已晏余親
 游者用識于後云已丑十月某日捕書不可不示于好

遠游

海鵬跨南雲一去扶浩蕩宛駒踏北雪絕足追罔象宵

征車載脂長伯明熒燈在愧行邁念悄離愁懷養違

吳始接浙平德過越類指掌虹網結遐思羯鼓促新響觴

至不復辭長伯駕逸誰能仿明堂企棟梁武庫輸篠蕩氣

合芝蘭芬平德學媿蓬麻長大施朱弦清小薦金莖沆雲

間鶴孤唳長伯天外鴻橫上曉舫斲層冰午店憇平壤追

攀瞰烟濤平德涉歷走塵鞅長淮橋螭竦薄霧裘驢駃風

臺牛一鳴日觀雞三唱團桑沃如蓋長伯宿草乳若樞青

帘客沽酒素鬣漁收網心懽沂泗流眼豁恒岱爽追程

騎侵星勸耕農植杖俗厚喜豐登平德氣俠存慨慷伊河

既東流維斗復北仰誰云風土殊始覺宇宙廣骨聳終

超騰神清何懍恍鈞天夢非真長伯廣寒步空想銖衣入

閭闔芥粒視北垞千官紫府榮九奏彤庭袒擣文剪金

炬平德展采蒨天仗清都踰咫尺弱水漫方丈絳旂雲霧

開寶扇日月晃仁聲被八表長伯德意蘇羣在泥檢極封

崇芬苾嚴盼嚶瑞氣藹重平德泰階瞻兩平德馳峯出天厨

裹蹠錫中帑鳴珂接俊彥平德正笏嫉偏黨德人笑採芝

逋客棄拾橡茅拔要有方矢來本無嚮湘纍但瑰詞長伯

越相僅金像遭讒氣徒憤得計身何往豈如及承平相

與窮昭朗君行步飄飄我滯心悒快輕霜著衣帽微霰

點草莽離歌起蒹葭平德古製出盆盎先登匪十獲後至

激孤槩城南燈火深塞北音書睚東風漸披拂臘水初

暝卷詩成愈加險酒盡未為彊雙眸秋水炯累語春波盪

經行度崎危長伯交友希侗儻羈遊棄楚荒遠客憐齊僮

光陰尺璧重事業千金賞平德行還雁塔題復睹鴻都榜

時來戒步窘事至勿技癢脂韋本凡近鐵石乃忠謹詞

林納疵美書田課荒穰列仙會儒癯羣仕趨吏馭陸生

強呶嗶陶令終翫麟貞心百壬辟正色上帝享徒為搆

心施莫學画眉敬功名要無心造物端有相行平德遂初

志作事記疇曩

望洞庭山

海嶽雄前武乾坤入壯懷地臨區澤左平德洞接蜀山涯

玄申呈神禹長伯靈鼈琢女媧岫橫青一髮平德水引玉三

义鴈翅連雲暝長伯雞聲帶雨啣輕烟滋土脉平德激霧潤

蔬芳橘熟金分顆長伯鱸肥玉饌鮭稻田碁布局平德草舍

篆書齋塔正狂瀾轉長伯圩增古岸卷畫船誰白傳平德香徑

獨吳娃伏翼疑銀乳長伯游鳧訝翠鞵苑存麋鹿過平德石

老鬼神霾楚火分星位長伯剛風直帝街浪高驚接漢平德

天濶欲吞淮鐘遠春聲隔長伯歌長艣韵諧靜依村社樸

平德閒厭市廛哇往事滄浪古長伯輕裘笠澤佳鷗夷奇策

遠平德季子宿情乖鈿壁銷朱戶長伯香風墮綠槐卧遊包

景象平德目送樂形骸尚憶禾生蠛長伯誰憐竈產鼃江湖

終漫浪平德歲月敢安排語盡情如客長伯杯深醉近俳黑

頭宜紫闥平德白眼笑青綈門掩雲生室長伯庭虛葉響階

墨花浮雁字平德燈粟綴虫釵急吹鳴笙籟長伯同雲屑豆

稽行平德從此地平德去平德勉吾儕轡聳王良御長伯帆凌博

望查會須攀絕境平德岸憤訪丹崖長伯

秋雪九月十四日
伯長伯庸

白帝欲返馭玄神已先驅南山黯遐睇西館阻清飲刻

雲環珮襟剪水瓊瑰敷金英受剛絜丹桂遭模途高標

變鬢髮爽氣通微軀羣陰孤陽債積素五采腴路脩天鷲

疑穴瘻楚兔呼蟬猶抱殘槐雁仍折蘆混養露莖溜
空清冰柱酥或云勢已盡又言理非殊先時明堂嚴薄
刑蓐收誅浮華敵春漸斂實侔冬輸慘立各動色沉思
儼徐趨鴻鈞轉囊籥緹室潛葭莩觀物昧休徵永歌啓
貞符

又 九月十五日德
平伯長繼學

金神縮允澤水妃表玄英西郊散冰粟北戶垂珠玕三
登發重瑞六莖凌孤清白藏縞衣舞顛氣霓裳呈楚客
迷望眼羌戎候軍聲桂粉靈杵飛穀精露囊盛降霜鄒
子憤停日陽侯爭澄霄霍失頂空江鷺搖晴菊貞返素

朴木落超空明鏗鏘商籟諧大小藍璞成蕎花騰壺畝
梅蕊光檐楹初疑蚊蚋集漸覺鵝鶴迎漢盤結夜濯韓
堂滅宵檠陽和趨報社嚴凝儼書正掩袂青女辟沾巾
素靈驚擊鷹眩莽蒼樹羽登崢嶸長楊散旃屋五燾增
門闕絮團柳殘葉鹽裹荷留莖鉛飄孀娥匣旄落少昊
旌井梧炫銀林庭櫻轉珠纓萬入西帝遊六變坤母寧
初驚遽然至忽訝乃爾輕單衣亟搗素黃裳條飄瓊陶
姬却帳暖唐皇咽簫橫昊天有正命殺氣何橫行沈
宸居肅兩、台階平朔吹偶先集澤雷久藏鳴碩果理
固在飛葭澹無營

槍竿嶺

伯生

伯長

伯

有嶺名槍竿其上若棧閣白雲亂石齒青峯轉帘脚積
氷太古陰出礦無底壑馬飲沆瀣泉鷹盪扶搖幕轍跡
委垂紳人聲發虛橐鳥飛接鳥背羽沒疑虎鞭霧松秋
髮長霜果春頰薄升樵不知疲獨往端有愕競、矛頭
浙抗、井口索凝睇見日觀引手探月廓南下眇塵海
北廣絡沙漠金橋羣仙迎玉幢百神鑿禽鳴蜀帝魂鐵
鑄石即錯鈎鈐挂闌干攬槍斂鋒鐔屬車建前旄馳道
徇嚴柝載筆三人行弭節半途却

送曾編脩

伯長

繼學

竒鶴慕南雲俊鵲欣北雪行藏龜左顧去住坂九折纂
書墨兵從擬制銅史絜佩委松籟回冠峩星光徹埽花
窺日輪井添旋風鐵婦思紅葉高家憂紫荊裂晨裝發
五兩夕祖謝駟驥沙明石痕瘦川遠梳影列吳歌導鷗
舞楚製慘鷄結汀葭青女臨岸橘黃人揭組練危瀑懸
簫磬古灘咽詩箋江神幻目送山君別炯、雁集洲挺
挺鶴鳴垓賈颯魚貫直僧履鷺飛滅前坡指迎帽舊墓
拜表碣明知紹世譜詎肯逐宦轍兒孤文襁昏女乳粉
鈿涅深思振鶴原後胤超鳳穴過却塊非歷去魯浙豈
接歌驪念睽遠瞻蟾數盈缺

李成古木

層陰舞玄蛟積溜落銀繭迸空太古枝長伯側石千歲蘚
寒柯紐交樛霜枿釋餘泣繼俯憐岩壑幽仰矚雲霞淺
雄姿虎當岵鐵翮雀立嘯長身屈迴紋曲蓋表繆篆矯
矯却岱封昂：陋桐剪初疑居移鄙漸覺坐閱鮮靈光
魯國歸屈軼虞廷彥蔽牛我當容化羊君莫辨山羅養
洮沐憲霧動溘鬣直非龍髯觸勢若鹿角偃蕭騷閱馳
颺懍恍集微霰玄黃馬師遺丹青犧尊醜采苓乃夷猶
卧雪何輾轉

清容居士集卷第八

清容居士集卷第九

律詩 五言

次韵善之雜興七首

習隱漸成癖苔光綠映扉辟名常好：絕俗任非：日
落長鏡柄天寒白苧衣南鵬五月息戢翼笑羣飛
萬事不滿笑書林盡歲娛未須夸得意底用哭窮途細
雨看移竹秋風學繪鱸百年真急景醉入壁間壺
昔日登臨地狂歌祇自求漢宮空有恨吳女不知愁雲
葉寒沙霽江花古岸秋何人持鐵板擊徹奮邊樓
學道嘗無寐披衣聽曉茄精勤莫泊大詭幻笑藥巴丹

熟抽金汞窻明鍊玉沙微陽端有似一點應吹葭近善之
戲及之參同契故

卧游元不惡佳處絕榮枯雲憶東西寺山看大小孤行
年須白社失意付黃壚何事遼東鶴空悲景物踈

鄧子清如竹蕭蕭澹世情下惟憐草色倚杖愛松聲嗜
癖成書賈身窮付筆耕乘槎空有約何日海邊城

書聲連古巷疑是白雲廬吟苦眠料理塵深靜破除詞
華輕大曆風雅近黃初願我相知舊艱難愧不如

月黑

月黑斗杓轉昏昏古柳壕干擷寒戍響窳堵亂鳥號風

定歸潮急門深落葉高向來江上意無語獨蕭騷

次韵題林隱

移家鄰縣去住久不知年花擁檐前樹泉歸澗下田丹
芽承露浴石乳拾松煎擬欲題新竹才踈愧惠連

次韵上官伯圭夜坐觀梅二首

愛酒嫌劇飲天寒但欲眠烏啼千樹外鴈過一燈前霜
角悲涼調風幡自在禪平生江海意袖手送殘年

江梅元楚、冰雪搃相宜肯佐金尊舞寧辭玉笛吹天
心原自正地脉本無私不盡閩山意廻檐與賦詩

題柯自牧救荒記

曾聞於越地千里草青，比屋呼庚癸連年厄丙丁已
傳青社記不用岷山銘近說天台宅新成太祝廳

壽高舜元父二首

喜見黃鐘月重推絳縣年雪窓溫鼎火春甕養壺天朝
市成真隱階庭擁壽僊時吟五字律獨立晚風前
玩易喜心清年高見太平杖扶靈壽穩松削養和輕夜
月前朝事春風九老盟初筵慙後至立雪捧深觥

打灘

老石太古色遊魚新水姿輕冰養流汞急瀑散飛碁角
力誰為挽臨流亦自移南來多此意北望莫相疑

春陰

寂々春陰半南來未識花故鄉憶寒食細雨摘新茶物
色供詩句風沙入鬢華山林元未改客路獨鳥紗

懷城南諸友二首

春至長為客愁多始憶君風程江北路水驛海東雲杜
宇深々怨醪釀淡々醺行藏曾共數不是故離羣

養性深辭酒全交澹作書寧知故人厚自愧後生疎春
入黃河道雲分碧鳥居江湖從浩蕩不敢愛吾廬

舟中雜書五首

野色連雲白春聲引樹清遊魚新浪急歸鳥片帆輕曉

夢三千里風餐第幾程萍蓬元未穩徒倚問天明
挂席踈星外停舟獨柳邊團團風始陣帖帖月初弦隴
曲沙成雪吳歌水拍天行藏有如此把卷獨悠然
春睡元無着鄉心比酒醲飛花空有意小雨不成容獨
樹疑新堠羣鴉侶亂峯艱難憐浩蕩散髮遂初慵
河落渾無底飄零總客塵春洲蘆鴈少曉戶柝蠶勻京
洛饒豐稔江湖樂賤貧低徊吾不恨應有故山筠
桑柘斜陽道天然錦繡机雲容催溽暑花片憶春霏水
落新魚瘦風清宿麥肥歸程時屈指重午試生衣

淮浦

淮水奔如箭舟維岸屢移斷岡封馬鬣落鴈陣魚麗白
葦前朝界青帘古戍基亂離今已矣風物漸熙々

立春日宿大清口舟中見新月二鼓雪作

春月如佳士翩々欲上船相逢疑昨日一別又新年水
鏡心胸朗空輪體質全更深飛雪急直與鬪清妍

次韻陳剛中待制初秋二首

碧樹晚雲餘秋聲入客廬知公吟蟋蟀勸我憶鱸魚宦
味元無着鄉心得未踈清塵滿雙鬢蕭瑟不禁梳
岸幘倚書楹寒砧徹四城馬蹄人獨語鴈過月初生寂
々候虫急淒々落葉清客懷誰與共搔首見參橫

送牟元通歸瀘州

西州人物論翁季，擅清門已暗金牛。路猶傳鐵騎，孫巴江雲不盡蜀嶺雪。空存邂逅衣冠聚，艱難得共論。夜夢作詩覺因足，後韻。

薄酒薄於水，濃山濃似春。梁間雙語燕，天外獨歸人。細柳千重緒，飛花一寸塵。碧窓初睡醒，新月寫清真。

淮陰大風

極目虛無裏，飄飄萬馬馳。飛蓬旋索籥，虛谷應埴箎。春樹元無著，晴雲復自持。倚舟沙際穩，歸鴈得相隨。

題溫州太守德政詩後

海郡炎歊重，涼風起素秋。飛蝗分界去，鳴鶴下陂游。白布官租減，黃甘雅詠酬。兒童多好語，竹馬擁君留。

次韻馬伯庸春思兼簡繼學二首

洛花千萬朶，一一為君開。粟暈排金縷，酥凝爛玉杯。美人乘馬至，仙子抱琴來。莫學飛紅侶，隨風喚不回。行窩春匝，下榻望君來。雙玉矜嬌思，聯鑣聘逸才。題詩紅袖擁，傳詔錦袍迴。羞殺高眠者，楊花滿綠苔。

送秦巖卿從事出宰北平縣

高秋右北平，出宰樂時清。白水前朝界，黃雲舊塞城。彈琴看鴈過，束帶候雞鳴。不盡平蕪際，題詩倚馬成。

黃河口徐州城西北隅與黃樓相衝今從此南流

河落流沙駛茫茫禹甸周昔聞傳北載今已絕東流俊
鶻辭高下輕鷗擅去留百年文采盡日落認黃樓

徐中丞母八十

謝庭森玉樹漢闕賜金花懿德傳家盛耆年舉世誇晴
萱當檻直冬筍隔籬斜拭目諸孫秀翩、佩紫綢

送張榮澤

斂板滎陽縣栽花接早春水新魚子散雪釋馬蹄勻政
可箋河伯何須詠洛神桑田今幾許除籍補疲民

贈瑛上人住洞林

托鉢千巖裹松花凍未開哀猿依講席飢鳥下生臺潭
影留雲定鐘聲送月回山中太古雪為寄一瓢來

送周南翁集賢南歸省墓

搖曳十洲仙來尋楚尾船金花滎故里石筍表新阡江
橘團霜重冰魚鱠雪鮮堦前雙玉好行賦鹿鳴篇

潞公判永興游嵩之詩見於翰墨然卒與右軍
之遊汶大率相類名為造物所忌豈虛語哉今
見其孫璋甫佐西省甘棠遺思殆將見之

渭水落葉盡往來餘碧鷗龍門七十里鴈塔一千秋弔
古麒麟塚衝風驩驩裘寒蕪明滅處遮馬見君留

劉氏集慶堂

華構出層林春浮院宇深小桃分襍佩新鴈掠鳴琴石
乳千年潤松花百尺陰紫皇方問道那許遂歸心

送蘇子寧和林郎中韻

貂帽護寒沙冰天閱歲華斷溪馳聽水密雪犬行車雲
盡難尋雁春深未識花昔人奇絕處八月解乘槎

次韻馬伯庸題凌波僊圖

玉衣朝岱日寶瑟寫湘雲宛轉鸞歸憶參差鴈過聞石
痕生左角松影印迴紋倚竹憐雙泣摘蘭憫自焚停驂
沙磧近指點認昭君

伯庸以詩見屬次韻二首

學古陳言少官清雅詠多珠玕明玉海寶鑑挹金波易
賴韋編定書疑汗簡訛斯文今有託為我補嘉禾
聽君人物論閱世侶難多學禮師倉海傳家繼伏波看
山窮北戒指日愛南訛彩鳳非無食瓊山自有禾

高掾祖父八十

心跡混漁樵門深絕市囂花前歌舊曲燈下話先朝白
髮書千卷朱顏酒一瓢有孫遊玉署從此樂逍遙

長春道士禱雨有應

清夜轉崑崙天雷卓午聞平林千樹響古澗百泉分門

靜堆黃葉山空聳白雲神功滿禾黍尸坐答爐熏
次韵馬御史題漢州喻氏多勝亭

花壓金橋重春風第一州江喧朝灌口雲擁護遨頭雁
落沙中渚鶻啼竹外洲使君燈火地為我倚高樓年崔山
時守漢州元夕

張燈金雁橋斷

次韵伯庸過天寶宮

松暝碧雲深鶴歸人倦尋朝迴香滿室祠罷月盈襟白
鳥分山影黃鸝轉樹陰小溪流不歇咽々似鳴琴

送白誠之赴台州別駕

岩苑巾子峯市近海潮通桂樹團雲濕松花帶露濃猿

隨僧屐雨鷗送賈帆風盡道無王事持杯百過空

贈瞽者

尸坐包玄象虛窓萬籟沈聽泉知地脉候琯合天心風
定馬蹄急霜清葉落深弄丸端可學從此罷鳴琴

送成公履守光州

淮樹連空碧淮山徹底清濯纓羞戀闕佩印樂專城曉
網雲催泊提壺雨勸耕地偏王事簡數鴈寫琴聲

寄開元奎律師五首

開元古壇主盡日著袈裟社主勤供菜天神罷送花蒲
團黃葉護香鼎白雲遮終歲無王事繡經到日斜

開元古壇主老至律精嚴洗鉢魚遊水開門鶴入簾拾
薪供茗具滴露寫經籤已悟如來意看花不用拈

開元古壇主身世兩相忘客至嘗局戶僧來不下牀神
光千里鶻玄辨九秋霜白業渾消盡蓮池任意香

開元古壇主瓦石化丹青侶住元非住無營類有營念
珠金的皦戒鉢鐵晶熒我亦慙塵垢清齋養性靈

開元古壇主幼歲已相聞我竟飄京國師方玩水雲一
官千日計萬事五更分共約脩蓮社空林洗垢盆

鬢亂侍諸父拜雙峯祠堂未嘗敢有題咏二十
年來接武於玉堂瀛洲霜露之思缺然有覩近

聞平石長老興廢補仆光紹前聞遂述舊懷為

六詩且伸歎仰

沈、大士閣千嶂萬夫降近樹青禽獨前松白鶴雙雲

霞生几席星斗列軒窓俛首京塵客生涯愧老龐

慚愧雙峯老光明兩足尊新裝釋迦佛像午窓鈎竹影凍筆點

梅魂齋近鳥啼樹禪迴虎伏門春來有新鴈勸我趣歸

轅

經院辛勤日千金記始興創寺時以賜金千兩雨荒虫

蝕拱壁壞鼠緣藤舊觀丹青復諸天錦繡承短簷增突

兀會見出盧能書來修選僧堂舊有術士言太高釋沙門減其柱然清班亦不聞有顯者故未

之及

陰、虞監宅

虞永興

鬱、越公祠

掬水不入獻布金猶

受疑流年翁仲守往事苾芻知澗水交流處曾傳玉帶

岳

寒徹清泉底山童上水華定金非在井

羅睺羅尊者語傳昔有一女子

墜釵其煮米却成沙洗目能生電搜腸可當茶人持一

水遂定月去此月落誰家

跣趺千樹暝彈指百花春道以東岩的詩於北澗新歸

雲呈住相行籜掃空塵靈鷲誰公論啼猿正惱人

次韵張希孟凝雲石十詠

我愛凝雲好神交萬化前碧窓圍蜃氣黑浪袞蛟涎化

石知何代出山今幾年相從清思長寸頰起蒼烟

我愛凝雲好飛塵萬馬驅雄深麾將士峭直傲公孤斷

足鰲分極摩牙虎負嶠何年化霖雨慎勿竟虛無

我愛凝雲好雍容諫諍姿虛中超混沌正色走窮竒潤

物非無意成功自有時棲遲元未晚清坐愧神癡

我愛凝雲好朝昏境不同金芽養靈谷鐵網起晴空月

色古今正潮痕子午中點頭那有意吾欲問生公

我愛凝雲好神清湛欲留岷峩千古雪泰華一天秋獨

鶴離羣皎層冰出澗幽無言有深抱山立正陽休

我愛凝雲好模糊老墨仙癡墓端食月渴驥欲奔泉守
黑壺中日談玄洞裏天烟霞元自足塵世未為賢
我愛凝雲好儵然一榻棲支机何物誕醒酒此君低香
遠能為霧泉深解作溪未須鄰綺角端可比夷齊
我愛凝雲好能歸萬古春遺簪三島客椎髻八蠻臣栢
子添清供梅花寫奮真天心元不動東海任揚塵
我愛凝雲好蒼龍擘峽飛振纓悲濁垢整珮謁清微歲
月江翻浪冰霜玉韞暉黃塵今幾許且勿展書闥

山水圖

樹重雲光濕峯寒曉氣清抱琴人欲往門暗客相迎凍

雨生寒溜深雲倚姪藤寒驢吟不得指點墨千層

淇綠堂

卜築荆溪下碧陰生晝涼軒昂丈人列瀟灑此君鄉月
候緱山鶴雲催嶰谷凰衛風朝夕誦底用別詞章

寄砥長老

雙峯不受暑傑閣稱幽禪蕉葉綠雲扇藤花白雪氈見
龍增澗水喜鴈點江天笑我開平客於今第幾年

送李希白降香武當山

絕壁通靈籟天香簇寶華重明應龍馬習坎伏龜蛇度
嶺金盤日穿雲玉佩霞道逢采苓叟應與論南華

送永新王東野還里

天際風花黑燈前鬢影蒼方刊肘後秘金散橐中裝某
樹童年種茲立晚歲藏已忘朝禁事飛鷺起鳴榔

輞川圖

詩中傳畫意畫裏見詩餘山色無還有雲光卷復舒前
溪漁父宿舊宅梵王居千古風流在披圖儼起予

贈雪窓上人

少日觀滄海陰山恨未登飢餐太古雪渴飲萬年冰柳
色迷官道鐘聲動客燈

壽閻承旨三十韻

澤洗荒塵評論空餘子儀型倚重臣昂、霄漢表
皎、雪霜身滄海鷗忘慮長風驥絕倫名高諸彥辟德
盛後生親朗鑒中秋月天和太古春精忠言款、獎引
語諄、書葉題文債詩筒破酒巡筆翻金井凍詞吐露
挑新格律常揚陋篇章鮑謝鄰辛勤憐我輩銓賞屬斯
人南極呈黃道東皇扶絳輪霓旌紛旖旎香鼎秀氤氳

果熟分金丹成養谷神心澄眸轉碧光瑩類浮銀物
色歸青簡年華閱大椿小車花外影馴鶴竹間真賀履
聯行整傳觴捧勸頻踈聞看遠岫虛靜傲松筠往事雲
舒卷流年肘屈伸長生端可學靈壽不須陳

次韵仲章過陳氏城南書隱十韻

矮屋參差倚平蕪黯澹看夢迴榆塞遠愁絕翠峯寒白
髮游絲罨丹心古鏡蟠槐明金瑣碎菊鑄玉噴岢憶月
時看劍臨風復整冠鄉音憐過鴈古調拂離鸞去矣歌
招隱終焉樂考槃晚知交態薄老識官途難口腹非真
累毋煩饋一簞

入南城遇老醫言山陽舊事因成十六韻

邂逅山陽老相傳事已訛姦雄歸草莽天地入悲歌太
守籌謀誤將軍礼數苛韃橐同下吏驕御失前珂澳忍
顏如此憑陵事若何比肩身肯辱却立齒爭摩水捲寒
雲甲風揮白日戈耳聞人作膾眼見血成河翁霍同么
子倉皇類小瞞官軍奔及馬婦女走乘驟自古儒冠忤
難將杯酒和功成真草
先公在宥府論山陽事去時
因後維揚論功成謂偶幸時
至復我、漂母恩徒快中
即詠未磨將荀羨為中郎遺屯
迷鼈石
鄧艾
舊浴暗龍渦土沃村、麥湖深處、荷人
生貴行樂何必問銅駝

壽致政王侍郎八十二韵

壽俊標周士儀刑望魯儒輞川饒咏賦璜水秘謀謨壯
歲丰神整明時膺仕殊東曹誇鶻擊公府羨鳧趨審象
三韓使含章四皓圖長身昂整宦正色叱妖狐誓墓文
何早傳家計豈迂鄉稱三老舊人說二難俱舍近分挑
塢田開別芋區水邊時避飲月下屢嘆扶眼碧看山媚
鬚銀映雪癯油車懸蹠蹶整服綴襜褕社肉時相餽春
醪不用沽綵衣新稚子推髻古奚奴擊鼓深、舞茶烹
緩、呼花飛迷去路鳥下避行厨南極珠分瑞東泉斗
借斲造朝看賜杖入里記垂弧翠栢根如石靈龜息自

腴從今躋壽域底用詫康衢

壽牟猷之大理卿七十三韵

氣槩岷山秀風神閬苑仙西州餘故老南国挺真賢瑞
靄垂弧日人思衣繡年清門開耄耋慶綠籍紀齡延止息
功叅易虛心体合玄厖眉垂素手漆髮換華顛今年七
十眉間
忽生兩毫鳩杖何期賜牛車不待懸三鱣傳素緒一雀
髮重黑記青氈粉社爭為壽蘭堦數擊鮮風驟追廣莫雲珮憶
鈞天往事清霜木希音太古絃五更尊礼絕六老舊堂
專所居正六
老堂遺址杞菊調饗鼎丹砂養井泉慵書乞米帖羞
辦買山錢醉劇簪花舞遊疲枕石眠黃公終慕隱白傳

且逝禪文物傳青史耆英入繪編弁山寒戢、茗水響
娟、望海傾朝夕瞻星候次躔登龍身未武執雉意空
傳偏仄徒多恨低違祗自纏窮鄉真坐井陋室強懷鉛
夜月思延桂秋風學詠荃終然羞弱植復爾滯孤騫問
字瓶空在傳經席未前牛衣期振拔馬磨費評詮冰柱
垂青嶂蠙珠湛碧淵至言机已息妙技目無全凡質丹
須換精誠溜合穿溯風輸善頌立雪異敷宣

壽李承旨四十韵

寶曆開三禩瓊章集萬神蒼龍迴插子玉兔候交辰潞
水丹騰渚壺閔氣接旻道傳莘楚正學比傳岩醇帝運

昌文統師臣秉國鈞清宮高贊畫潛印舊經綸意得超
今古才雄異等倫春浮霞錯落秋映玉嶙峋三執中書
柄重開大國酌黃鐘陽脉、瑤圃霧氤、仙鼎神膏秘
宮壺掌露真恩醲錫麟脯味薄謝猩脣瞳碧光流漆顏
紅色耀銀垂紳凝泰岳設席陋平津手挈重華古心追
貞觀新至人專上壽八表樂同仁非虎耆年並猶龍祖
譜親息深忘蝶化机靜狎鷗馴蕩、心無競肫、俗易
淳極知調鼎鍊不惜汗車茵竹帛千年事桑麻萬里春
管商謀可鄙房杜跡嘗遵斟酌扶元氣弥縫護國珍倚
風憐竹弱聽雪喜松皴玉署親裁詔青蒲獨奉宸蜀江

移戍罷浙土減租勻榻淨唯鳥几堂虛且角巾手揮廷
下吏目送幕中賓習隱時思許題詩尚憶秦黍田溪溜
、花塢澗粼、問俗停車緩貪賢倒屣頻葉囊儲赤箭
水鑑徹青蘋滄海收毫末空林絕隱淪籍功文館定約
法論堂詢出處閔吾道安危佩一身政須陳蹇、直與
紀麟、績執慙班馬抽才頌甫申占天徒有管望治眇
無垠閱歲桃成實知年海拂塵扶踈慙小草葱蒨託靈
椿

送文子方著作受交趾使于武昌二十韻

萬里蠻陬貢清秋督使馳乘車專述命受幣聽陳辭紫

舌音聲狡雕題聚俗滋玉門心愈遜銅柱約難移江漢
尊南服星辰拱太儀趨庭輸齒革授館列膏脂私覲情
鈞隱公言理折疵彈丸空有險束失定無疑桂蠹消煩
溽著龜審事宜要荒工跌宕保障慎羈縻鸚武寒汀遠
蒹葭晚岸歌壯游詩句豁古戍角聲悲月矗朱簾正山
低翠浪欺班超空耿、陸賈政怡、楚水愁腸結衡峯
望眼眇過門王事急去魯驛程遲緬想垂衣治深求補
衮資大夫謀可利小客禮須持諭蜀徒煩檄平南漫擬
碑佇看王會傳端假使臣為

魯子翬御史分按遼陽作長律五十韻愛其精

密予今歲亦扈 蹕開平因次其韵

象御天街正烏輪海觀昇省方秋戒慎扈蹕歲因仍石
迸根駢斗山迴勢左肱塵深疑帽重霧密覺衣蒸午頓
炊難熟宵征酒易勝解鞍心惘々執轡念兢々酪水分
罌缶通薪算斗升皮毛均製服脂腠或然燈統幕迷高
下烽臺閱廢興度關泉水咽出口月華澄狼戾官芻峙
魚麗餽粟徵千房雲疊々萬竈墨層々列帳排衣甲行
營護棘矜旆旋環侶翼鼓發去如繩斗北瞻紅棧雲西
指白登草肥青穉極松聳翠峻嶒積雪疑忘象搏風訝
徙鵬屬車攢幄帳行殿儼苗憑白氍時逢賈朱衣定指

僧翠旒逼華蓋金甕耀觚稜觀闕天經界儀臺象緯凭
仗飛拳侶虎鐵杖足如能竹帛司常煥丹青職貢增會
朝珠帽蒺錫宴寶卮凝陛立齊垂索師行陋釋棚廣寒
通月窟高爽寄涼槽上聖英資異丁年武德弘天戈中
夜渡星檄百川承同軌嚴行夏明裡耻用鄙別州端首
冀分器定先滕德啓無疆服光傳有道曾皇威宣絕漠
陽澤散堅冰表正辰居所漸仁水集墉庭開下鳴鳳苑
廢罷飛鷹舉逸尊加璧掄才鄙販繒鄧林搜八柱瀛海
取三凌曲學慙繩祖孤聞賴得朋沈思雲外弋冥索澤
中冒客議雞同鶴人疑驥聚蠅濡毫終有思執簡豈無

懲謂可兼遐邇胡云立愛憎清芬蘭佩結芳薦蕙敬蒸
鴻筆吾誠忝輜軒子累乘共知心耿耿相對髮鬢馬
磨誰憐許龍門共企膺放生詞過實揚子德徒稱盛化
乾坤闢王綱日月恒麟符昭炳蔚豹霧駭超騰虛白難
為繪空青不受贈欲追千古筆為付一枝藤

王趙公八十應制十韵

耆德膺熙洽皇風協泰和公明旁作穆帝念叙惟歌粉
社新封土蓬壺舊隱窩黃公資輔翼白傅退婆娑望日
靈龜息擎雲古柏柯精神霞炯炯儀觀玉峩峩設醴樽
浮蟻兼瓊釜錫馳擁沐爭置笏立馬會鳴珂服食丹藏

井絲綸錦簇窠永須依日月何必問烟蘿

壽開府承旨十韵

泰嶽舒紅日天門爛紫霞氤氳生宰輔磅礴贊亨嘉文
武揚中外寬嚴接邇遐游嵩雲擁馭度磧雪飛沙畫戟
車流水青編筆有花精神春不老器宇海無涯玉殿彌
綸重金鑿密勿華傳宣花侶斗錫宴棗如瓜上壽三千
歲元勳第一家山河開賜履早晚聽宣麻

劉邢公九十應制十二韵

賜履光華閱延齡冠帝畿氤氳秋霽嶽菌蠢露凝芝六
聖存遺老千官介壽祺傳宣鳩飾杖錫宴蟻浮卮餐玉

銀鑲頰簪花翠壓眉
灌陰机怙、擊壤樂熙、坐石雲
生窟澆槐水溜池
霜深風脫木冬暖凍消梨
往事先朝
夢多情奮日詞魯公方拜後
彌子定為師用拙長年標
虛心太古著成功全靖退樂道過期願

次韵伯庸畫松十韻

妙思通靈素玄陰接帝青
抗顏躬蹇、蒙頂髮星、颯
爽龍羞秦蕭疎雀鍊形
壁虛生地籟斗近界天絳
蝶夢春濤湧虫疑曉日冥
雲生停竿候風入倚窻
聽屈曲車連軫騰孳簾
列庭戀鄉思海岱封爵
郤雲亭月落孫生嘯
天寒屈子醒雄姿輕虎豹
浮跡陋鷗鵲

壽張希孟父郡侯八十二韻

古渭垂綸老康衢擊壤翁
星輝騰處士天爵賁家公
顯氣西郊肅祥雲北渚濃
坐班鳩杖叟舞轉柘枝童
壽骨英光聳厖眉厚德充
九重恩誕錫三命偃彌
翽麟紱開華旦龜齡擬
少嵩簪花便廣顙植菊瑩
方瞳昂釜兼珍飫刀圭上
藥融傳宣壺燦爛合宴珮
青葱積慶先猷遠詔謀晚
福豐靈椿培世範玉樹挺
家風正色通天闕高懷納
楚宮倚風看鴈北就日見
雲東君父恩彌重交遊
論盡同竭誠心冕、移孝思
忡、意壯追奔馬机忘數
過鴻玄叅揚子衍書比伏
生工浩蕩漸摩澤昇平塊
北

功定須超混沌何必問崆峒

王叔能侍丞相入見王繼學尚書序其事謹賦

十二韻

行殿圍氈邸奎輿擁翠簾重華方聖治上宰益勞謙
臺閣推公幹蒿萊擢孝廉官儀精考核選格絕停淹
議禮心如轂探賢手自籤都曹清望重瑣闥雅才兼
對榻褒嘉寵垂紳俯伏瞻傳宣捐酒錫拜命襲衣霑
令節薰風細皇恩湛露厭事殊靈壽杖賜比水精鹽
際遇喧朝禁矜誇徹里閭遺臣思載筆往恨泣攀髯
清容居士集卷第九

清容居士集卷第十

律詩 七言

廉右丞園號為京城第一名花幾萬本右丞有
詩次韻

閉戶春深詩崇侵卷簾新燕掠清陰亭，梅月能消酒
肅：松風獨和琴新筍未容穿石徑落花時許補雲林
主人妙手随机轉萬本姚黃磨紫金

禊日與剛中待制至廉園閉門不內駐馬久之
復次韻

雲鎖亭臺烟霧侵難將禊迹擬山陰花飛竹外疑紅袖

水度松間白玉琴駐馬客迴迷遠路倚闌人在隔清林
誰言洞口無消息一見應須直萬金

送孫道士歸杭

送鴈南飛十五年朔風吹雪上華顛梨花的、疑蝴蝶
燕子深、伴杜鵑東野先生愁外句西湖處士夢中緣
抱琴獨去知無奈一棹春江水拍天

次韻王寅甫侍讀莅醮長春宮

飄、笙鶴兩絲輕聽徹靈璫曲再成玉案香分花有影
瑤階松暝露無聲九枝燈裏開真景三素雲中賀太平
莫怪錦袍衣袖冷還家從此羨長生

蛻骨稜、侶鶴輕觚壇危處玉為成天街正候三能色
雲所疑呼萬歲聲氣篆通靈歸廓落心章祈歲報清平
金穰上瑞吾皇意不用神芝朶、生

題張宗魯編修詩集

鴈蕩峯寒晝飲冰碧雲為構玉為稜已除白髮三千丈
疑上瑤臺第幾層松頂露涼旋整鶴原頭火淨撒遊鷹
何人妙解精新句剔盡風簷一寸燈

送李伯英秀才歸廬陵

黑頭徒步謁神州款、飛塵髻已秋日暮競傳鸚武賦
天裘誰解驕驕裘鴈聲未歇砧聲續燈影初消月影流

可是親知留不得故園清興起滄洲

次韵答周秀才

湛、玄雲起研山桃花為色玉為顏
溟鵬水擊三千里
天馬風生十二閑芳草春濃堪試筆
長空秋盡獨凭闌
松壻翠影流如滴遲子携書共往還

次韵成季灤陽見寄

客思如癡日侶年晚風投幘思悠然
看山不逐馬歸去
得句時從鴈足傳紅綠芰荷秋岸、
青黃蒲稗雨田、
尊鱸有興愁無奈欲問渾河下水船

次韵陳又新

登臺底用惜春菲平楚微茫落炤時
燒後断碑遺鳥跡
耕餘殘壁隱蚕眉泉分去路蕭、
玉山聳歸雲簇、
旗駐馬應須更搔首遠烟迴鴈不勝詩

西湖空濛圖

舊隱湖山筆底收相從京雒意中遊
昏、車馬飛花雨
寂、鐘魚落葉秋千古登臨翻昨夢
百年歌舞漾清愁
何當化鶴看滄海不用呼猿吸澗流

次韵張秋泉盆梅三首

萬里南來帶白雲低回猶作自由身
孤根鬣雪疑無伴
冷蕊餐霞別有春頗憶西湖頻入夢
不煩東井與生神

相看歲晚真清絕疑是瑤臺第一人
深明閣裏江南樹老鶴翹翎似病身
紙屋藏雲團白雪丹臺朝日補青春
蒼苔有恨悲山鬼翠袖無言倚洛神
回首空林歸未得淒涼相對獨闌人
華頂空餘萬疊雲獨將清影伴吟身
虬枝欲扶窓前月驛信能通塞外春
底用施鉛鄰越女從教剪水恣波神
碧虛仙客清無奈留作新詩故惱人

次韵仲章游南城二首

瑤閣雲深野馬昏
分明日月引天門
峯迴九鎖疑無路
水過三叉别有村
頗恠鶯花春不負
却嫌雞黍約誰存
山童閉戶茶烟暝
客至從渠未許論
側身天地苦不早
愛此春從天際浮
北雪西山憐我瘦
黃塵白日送君游
翩、目送雲中鴈
杳、机忘海上鷗
今古登臨摠陳迹
倚闌何事起清愁

贈王君佐

精神耿映日碧芙蓉
直節昂、衆不如
十載長安心似水
一官淮海食無魚
少年已擬治安策
晚歲肯為封禪書
聞道功名須皓首
鐵冠簪髮莫嫌踈

送蕭立道歸天台

華頂雲寒人不到
煩君為上最高層
天雞正叫三更日

海鶴曾餐六月冰
客路微茫同脫木
鄉情依約近歸僧
還家莫作採芝叟
背負青天傲大鵬

送李景山使交趾

萬里雲南把一麾
日南重見使車馳
思家不作玉門表
得句擬題銅柱碑
象譯奮傳周禮樂
馬人遺俗漢威儀
枕榔溪驛疑飛雪
樹、梅花九月時

九日書懷

烏帽衝塵鬢漸皤
黃花慵插獨婆娑
新霜去鴈天机少
落日歸雲雨意多
拄笏看山真我事
持螯把酒為君歌
登臺欲盡鄉關望
一徑松陰長薜蘿

尉曾道士

積構層巔聳玉臺
松花浮翠雪皚皚
終然一笑騎鯨去
可是長眠化蝶來
身外乾坤憐納芥
壺中日月隘浮盃
何人欲問先天事
隱几蒼髯換不迴

抵滄州先簡善之應奉

黃金臺上英賢滿
白玉堂中步武新
媿我清塵暗顏色
羨君碧眼映精神
春風未信看花少
午夜應知視草頻
北望五雲開曉霽
相思那得勝相親

送李彥謙赴西臺御史

百二山河驄馬游
西風渭水思悠悠
鶴翻古柏千年雪

鵲擊平蕪九月秋
拄笏漢陵尋玉鴈
解鞍蜀道問金牛
官曹朱墨何時了
一榻清吟是勝流

張虛靖園菴扁曰歸鶴次韻

招仙遊館構亭、萬疊松寒曉日青
玉局講殘春換劫
石臺丹在草通靈
紅羊赤馬悲滄海
白虎蒼龍儼大庭
為愛子喬笙鶴羨
月涼時許夜深聽

送華道士降香武當山

神君壽與玉皇同
歲、香傳第一峯
龍虎使來紅日擁
龜蛇靈在碧苔封
萬年松子天風奏
九節蒲根澗水春
博士文工成故事
石林為采玉芙蓉

林

送虞伯生降香還蜀省墓

玉雪祠官貂帽低
笑乘飛鴈上天梯
寶幡繡重團金粟
鈿合香嚴印紫泥
官饌每供千歲鹿
驛程深聽五更雞
流沙可是河源地
搖首揚鞭更欲西

丞相墳前雙闕摧
泉聲隱、柏崔嵬
金牛已向秦中去
銅馬空傳渭上來
叢竹雨留銀燭泪
落花風颺楮錢灰
百年華表塵千劫
聞道曾孫始一回

再次韻

振衣千仞笑雲低
捫歷星辰履劍梯
度坂正須三尺箠
入閤應笑一丸泥
神君祭重祠
青馬墨客才工頌
碧雞

萬里遨頭端不負
花開緩醉玉東西
閣道新平舊石摧
望鄉使客意鬼、犀牛坐見降王去
杜宇聲隨望帝來
三卯錄成竟有燐
五丁神泣劫揚灰
推醜欲作鄉隣會
揮手先催弩矢回

三次韵

觸石危藤壓路低
哀猿送客上丹梯
一百八盤雲赤雨
二十四番花侶泥
解佩浮遊憐犂馬
振衣亭育聽天雞
拾遺已去武侯遠
空戀祠堂與漢西
時平弔古莫心摧
去驛斜陽指馬嵬
曲、松陰隨帽轉
層、山影入杯來
草玄有意池留墨
觀象無心筋畫灰

為問丈人今在否
青牛穿嶺日千回

送王維學修撰馬伯庸應奉分院上都二首

玉京高處雪流脂
連插雞翹綠髻垂
蹠蹠有泥歌獨漉
琵琶無夢說相思
黑河舊樂催填譜
白海名花擬進詞
羽獵上林俱罷賦
卿雲何以報明時
淺坡平疊磧漫漫
拂嶺青帘卷盡看
甍屋起營羊胛熟
土房催頓馬通乾
捐官走驛傳金碗
冰正分奩貯玉盤
莫上鄉臺望南北
白雲微處是槍竿

寄王儀伯太守

維揚太守文章伯
故壘荒烟取次題
逆浪風高淮白上

寒沙雲落海青低，極知后土花如雪。不惜平山醉侶泥，
跋馬使君官驛畔。揚鞭却在夕陽西。

壽劉承旨

茲審齡開希有文，潤太平玉杖造朝樂堯堦。化日
銖衣拂石歌舜殿之薰風，壽擁靈椿惟傳故梓敢陳
善頌庸贊令辰。

稜、鶴髮映方瞳，玉帶桓圭一品崇。禁署清名行世久，
高門盛德與天通。升堂衣並老萊子，做國詩傳衛武公。
共道榴花宜結寔，綠陰濃淡駐杯中。

孟習卿都事母八十歸省閩中其家四世科第

祖十五當金七時舉進士終待制

鶴髮初開九、年東西雙鳳集庭前。乃兄官燉煌篋藏

龍榜金花澹案捧鸞書，鈿軸鮮竹筍清甘。宜夕饌萱花

芳遠傲春妍，風流文物閩中舊。點檢諸孫射策編。

送李元章宰陝縣

稅冕觚壇匹馬歸，冥鴻斜日悟天机。明時法律心常鄙，
小邑弦歌願豈違。潁水初霜黃葉下，華山新雨碧雲飛。
當今人物須公等，行見鋒車入帝畿。

次韵李伯宗苦熱

庭院無眠夜氣深，繁星閃、漏沈、祝融炊火翻初劫。

姑射疑冰易舊心
角枕雲蒸紋欲斷
蠟燈烟暖泪難禁
蕭騷忽作還家夢
翠木扶疎萬竹森

次韵程士安睡鶴

疏翎慵受朔風侵
谷口雲歸自在心
蝶化不知人事改
蟻酣空憶世塵深
珠宮胎息天濤靜
寶所神遊斗柄沉
何事驚鳥繞林樹
月殘衝曉議晴陰

次韵陳海陰

三月雪花飛作氈
春風侶欲駐新年
夢當好處成烏有
歌到狂時近自然
村樹綠齊黃鳥界
海山青盡白鷗天
何人會得龐公意
布領長披不上船

次韵院長退朝書懷兼送李元章廟令三首

踐昨篇陳夙致齋
明良慶會叶榮懷
南山豹聳文章潤
嶰谷凰鳴律呂諧
黃閣規模深倚注
金鑿人物費推排
夜光照坐羣傾動
誰道驪龍左耳乖

朝回深坐碧雲齋
無限家林入素懷
整頓乾坤新禹貢
剪裁冰雪舊齊諧
觚稜望日紅蓮擁
蹀躞看山玉筍排
魚水正親那棄得
白鷗相對莫相乖

曾着蟬冠會宿齋
陽春玉雪映澄懷
黑頭瑞世須奇遇
白眼論交自寡諧
驤裏當堦身獨障
門者叱出之舍挑
薦廟手親排蕭、匹馬投山縣
人事相摧侶好乖

題鰕齋

蒙、眇、傲滄溟羞殺任公夢未醒寄館蠅鬚猶綺靡
深藏黍粒獨清寧掌中旋舞憐飛燕案上能行笑巨靈
惆悵九衢長劍客駢肩堂下慕遺腥

送東平程太守

恭嶽巖、鄆水清分符授老得安榮百年禮樂維時舉
比屋衣冠合旦評馬鬣舊封蒼檜老龍鱗古殿綠蕪平
高唐路近羊生泣東望憑公為寫情

送周南翁分刺池陽

柳亭松露十分甜秋浦天青鴈拂簷黃葉滿庭君吏隱
白頭掩卷我即潛風催帆影迷紅蓼江送歌聲入畫簾
惆悵九華金碧洞謫仙人遠月織、

次韻雙頭菊三首

袖舞西風大小垂駢頭顛立傲霜姿步搖高擁車同入
笑靨初鈿坐並移素質斷金疑並蒂閒情餐玉喜浮眉
蓮池睡冷鴛鴦起侶怨秋聲有恨離

碧雲低壓玉繩垂寫鵠文翔表異姿白帝司秋金已肅
黃人捧日馭初移葢宮罷講扶雙髻桂館霜餘却十眉
賸掃雕搜兒女態象中明兩見黃離

空庭雲盡露珠垂翠羽交分大雅姿氣服中黃心獨苦

光浮大白眼爭移智瓊有約徒誇額京兆多情却畫眉
桃李爭妍真不遜故留雙玉伴支離

閤皂山青玉軒晦菴容齋諸賢觴咏之地虞伯
生作記吳成季令賦詩

江南琳館蕭閒地一、新文付集賢真誥摠傳天外語
禁絃未數酒中仙步虛巖近琅玕響礼斗壇空薜荔緣
諸老會文題咏絕誰將鳳翥續離弦

題揭曼碩詩卷

深湛妙思筆鋒收的、冥鴻楚岸秋直以紫芝招綺夏
擬將白羽定曹劉松濤夜漲驚金谷花雨春濃爛錦洲

此意徊徨人未識期君翫月上南樓

送衛大隱回錢唐

衛清叔
曾孫

諤々中丞骨已僊滄洲漁火起寒烟魏公賜宅猶傳笏
元子磨厓可賣錢夜雨鼠鬚編素業春風塵尾話行年
西湖雲鎖梅花凍休浪狂歌酌酒船

送華道士住宗陽宮

黑髮祠官佩水蒼萬松深處對虛皇黃柑有法能為酒
紫朮無飢可當糧招鶴舞虛山月冷撒龍吹雨海天涼
瑤池欲問長生事汲澗研朱寫綠章

剪刀草

手截溪流護翠苗，層陰淡蕩碧雲嬌。秋風玉殿釵留股，晴日朱筵舞折腰。眉缺可能分燕尾，頂荒猶解插雞翹。翻思徃歲南方厄，羣采空陂恨未銷。鳥莖一名剪刀，一也。南方飢歲采食。

馬伯庸擬李商隱無題次韵四首

金縷歌殘月滿江，玉顏曾憶侍油幢。象林雲重思專壹，鯨錦波翻賜疊雙。春淺正宜氈作幕，夜涼深恨鮓為窓。浣沙可是無靈匹，側足寒溪澣石淙。

翠簾匝、護朱光。千葉宮桃滿院香。闌苑有鴛通尺素，靈橋無鵲寄沅黃。上林賦罷歸巴蜀，興慶詞工謫夜郎。

不是月中親度曲，世人那解聽霓裳。相期心侶石城潮，日望晴虹結彩橋。却月眉愁歌漸遠，凌波步近意非遙。抽琴有恨迴清角，疊袖無塵轉綠腰。弄玉最憐隨鳳去，秋來誰與伴吹簫。

白髮詞臣兩耳垂，華腴堆笏陋牛醫。宮娥引燭催麻日，院使傳更寫制時。蠟然化生秋夕賜，翠標疊勝歲華移。低頭欲說唐朝舊，願侍虛皇進玉卮。

送浦如淵辭官南歸

厭聽朝雞擁被吟，吳船水滑碧千尋。平洲種橘清霜重，小墅栽花綠霧深。瞿鵲真能談孟浪，鷓鴣夷端自愛浮湛。

因君搖蕩還家思燭影秋房恨不禁

送李公敏薊州之官

幼着儒官佩楚蘭文章元不給飢寒風前楚馬停杯却
天際冥鴻拄笏看作計政須千樹粟養生那用九還丹
偏州事簡登臨足花下題詩更倚闌

劉婦表門

王中丞妹

空林露下菊無馨玉雪深闈養暮齡河水汎舟雲耿
湘潭鼓瑟雨冥冥夜燈孤鴈鳴何切古鏡離鸞舞已停
晚歲不須多感慨雙楹高亞柳枝青

永新

氏義門

銀髮稜々鶴骨尊奮傳庭誥付諸孫要同公藝書芸館
還擬自倫標楔門春酒緩歌常棣雅夜燈深候鶴鴒原
他年欲向廬陵客詢是龍岡第幾村

送柳唐佐出守懷孟

甬道塵深晚倦趨河山環挹暫分符花開屬縣詩頻賦
竹暗名園酒易醑積雪翠峯通小有祥雲朱印接虛無
寇恂可是專河內入覲應須馬疾驅

次韵大亨待制賦院中御馬纓花

華林清切謝塵縑坐閱朱英不下堂九就當胸猩血淺
六駟飛翮鴈行長擎天力重朝承露向日心專夜斂香

清蔭正須容小草肯同羣卉闢妍芳

賦文子方篔簹亭竹影五首

篔簹亭裏畫天然穠澹踈明筆有玄水底青萍羞宛轉
月中丹桂妬嬋娟錯刀側布難為贈鈎瑣橫陳不受填
午夜碧窓人獨坐分明清派出丹淵文與可號丹淵集名
鎖窓午色墨花鏤側、低、隔面濃日映黃離金瑣碎
雲開白賁玉瓏鬆蕭疎忽印青禽獨旖旎疑分翠羽重
二子定知忘食色高齋今喜見遺蹤
霧縠禪衣綉翠裳倚風蕭瑟轉琳琅縱橫直欲攻堅白
濃淡渾疑榻硬黃劍氣低昂動天地神光離合幻陰陽

陶坐久矣知形累歲晚沉冥託贈章

形贈影

玄覽功深萬化遺一窓光透白差、梳風擲雨呈千手
却月橫雲鬪十眉形蛻已忘身有累神交應許我相知
暗中摸索誰消得阮籍途窮眼未眵

朔吹南塵久避抬閉門白醉獨逍遙玉淵龍起鬚騰擲
銀箔蚕登繭動搖露井珠輝湘女泪雲屏翠暈沈郎腰
象中直欲窺三五肯學紛、个字嬌画竹家忌个字

栗氏玩芳亭

納、羣芳入小亭嵐光霧彩思沉冥飛花成列粘棊局
高樹叅前列畫屏鶴避晚烟茶半熟鶯啼午日酒初醒

春風可是饒紅紫一片蒼痕眼倍青

送年景陽信州監征二首

風帽霜鞍絳闕邊晚隨陽鴈度新年榻前劍笏家猶寶
架上經箱客摠傳世事不知蒼狗變机心端與白鷗眠
冰天車碾淮南路痛嚼梅花一惘然
上饒山蔟水精屏江左諸賢冢樹零鬼谷橋寒松化珀
仙巖土暖草通靈丹鉛有法供烹煮筍蕨無租給使令
盡道中年多作惡相看鬢影各星星

送巨德新四川省郎中

金鑿清密簿曹稀拄笏看雲數鴈飛蜀省地尊卿月重

漢江家近使星歸草堂舊詠迷陳跡石室殘經卧落暉
戰壘已從芳草換未妨晴雨睡摩圍

退食公庭日未西浣谿清雨換障泥籌邊舊式傳銅馬
弔古新詩問石犀荔子綠陰鸚武過杏花紅影种歸啼
遨頭雅集須頻領不惜耶筒取次携

送樂德敬甘肅儒學提舉二首

磅礴坤輿摠帝圖手提文印化沮渠旋宮更問涼州譜
尚右時通梵国書枸杞夜號端入驛蒲萄秋落易盈車
飛沙斜日頻回首歸鴈相迎亦惘如
月支城下泉如酒初連山前雪侶沙虎頭萬里飛驛堠

蝶夢五更驚塞笳范老籌邊心磊嵬李王堅壁骨槎牙
白頭太史欲歸去時立東城數暮鴉

示從子瑛

聞子欲通靈寶秘天台洞客眼深青弄九底問月消丙
服食那能老復丁隔竹引龜心有想按圖索驥術難靈
吾衰端有先天易不用山中採茯苓

送玉笥山聶道士

五月凌風龜殼船梁山深潔白鷗鮮神清侶飲金莖露
病已何須玉井蓮墨閣小春刊畫錄碧窓新月補瓊篇
相親每憶相忘處北望歸鴻倍惘然

人日立春子昂承旨賦詩次韵

鳳曆調元二節并泥牛華勝得相迎剪花欲擬丹心巧
縷菜深憐白髮生日轉扶桑瀛海曙陽迴析木歲華明
登高可是無芳思歸鴈南來倍客情

帝京節物喜相并扶日晴暄淑景迎鳳輦雲開人共仰
烏輪海轉子初生是夜亥正立春岸容梅柳風光動澤

腹魚龍水氣明誰惜玉堂春晝永汗青無補若為情

書懷寄從子瑛二首

越公舊築鄞江宅風捲飛火劫火新子竟尋真餐白石
我方作史玩青春金張螭綬本欺世王謝烏衣亦可人

誓墓政須堅晚歲双峰擁髻碧嶙峋
當年羣從玉參差炙轂談天不數奇
剪葉舞空山鬼泣
唱籌量日曆人疑深春柳下爭飛騎
小雨花前鬪奕棋
我最少年唯閉戶篝燈煮藥學題詩

送李仲因雲南憲使

鋒車春倚少城邊上冢還家思惘然
就日雲低天尺五
圖南路近里三千相如作使文如綺
諸葛籌邊筆侶椽
自是蓬壺舊仙客望瀛新曲鴈飛傳

送馮士啟淮東憲司幕長

遠涉江湖奉板輿離亭柳色易枝梧
英標共擬崑山玉

符采堪鄰甍社珠土竈烟高濕黃葦沙溝水淺漲青蒲
煩君敏手須暮月天際回朝認烏鳧

送李仁父歸高安

枝藤双屐玩青春卅載登臨筆有神
東海競傳垂釣客
南山曾耻上書人解凌水滑千帆直禁火烟消萬柳新
從此閉門聞見絕高齋顏樂養天真

送王繼學御史分司汴省

松階並對影參差君竟乘驄佐聖時
每恨同情不同調
可堪相送復相思楚山春夢行雲識汴水秋聲落葉知
我老江湖盍歸去少留定刷錦囊詩

院長有子在外從許州募得之院中率賦詩
袞繡門楣五色新明珠還浦竟相親月中碩兔分傳的
天上麒麟抱送真仙李盤根元指姓露桃食實始知春
青箱萬卷能傳業佇看它年演世綸

題東平張善父野堂

泰嶽當軒積翠環野堂高築稱身間深春藤槎花溪醉
小雨芒鞋藥市還九老尋盟歌窈窕諸孫勸壽舞斑斕
客來欲說人間事松滿疎簾月滿闌

贈姑蘇陳生

由東昌遇大水買舟
渡辟水者二千得官

清秋水落渺無津河伯登林竈有鱗用力定知非一日

論功何止活千人放龜晚歲川如掌渡蟻當年筆有神
堪笑乘輿溱洧者孤舟空艤竟摧綸

送鄭景尹遊麗水

冰雪長身映漆瞳岩窈深處珮青葱碧窓讀易猿啼樹
石洞題詩鶴舞空強項政須消世慮折腰元不為身窮
玉堂倚馬須英俊佇看鵬程振祖風

次韵院長新製安車

禁路縈迂雪護沙老來丞相許乘車向推紅日頭如葆
今看青天眼未花馬識輪聲嘶外厩鶴追轍跡過仙家
侶聞相杵新堤曲歷錄催朝扈翠華

送張道士降香龍虎山

天香歲、下名山雪浦春融作使還鶴引老樵渾碧眼
燕迎奮主的朱顏雲浮玉珮身疑舉霧結層樓手可攀
暇日須回侍郎宅好題脩竹聽潺湲

饒州張待制族孫

寄貫酸齋侍讀

解珮瀟湘已廣騷因風更望子昏濤身輕奮食青精飯
思遠新貽金錯刀紅蓼秋清堪數鴈黃橙霜熟且持螯
龜趺林立巖題品得意那無一字褒

次韻蓬萊暢師

西山秋冷雪皚皚駐馬頻聽出塞歌短艇水生歸鴈急
故園春盡落花多登山見月雲光澹坐石臨溪樹影栽
海上故人机事怠詩來勸我老漁蓑

次韻天童岫禪師

太白峯高積翠明老禪的、寄深情相思沙磔惟懷璉
獨立鄉臺近子卿舊業久荒松露立浮名空眩槿朝榮
定須結社修真隱寒月深燈了梵經

吳門穎上人年甚少訪予田舍且惠詩次韻

草舍苔深徑已荒何人著履試初霜飲冰唱石精神聳
奠石跑泉齒頰香愧我歲窮驚浪走愛君年盛鄙清狂
古松流水平生願後會蒲團共燭光

冀寧徐母表閭

月落孤幃霜滿墀
篝燈深護祿中兒
肯為別鵠相思操
得見慈烏返哺詞
槐柳拂雲森宅里
芝蘭擁砌映門楣
高堂飮坐双眸炯
時說初年涕洟頤

清容居士集卷第十

